

# পয়গামে সুলেহ্

## (শান্তির বার্তা)



হ্যরত মির্যা গোলাম আহ্মদ  
প্রতিশ্রূত মসীহ ও ইমাম মাহ্মদী (আ.)  
আহমদীয়া মুসলিম জামাত-এর পরিষ্কার প্রতিষ্ঠাতা



# পয়গামে সুলেহ্

## (শান্তির বার্তা)



হ্যরত মির্যা গোলাম আহ্মদ  
প্রতিশ্রূত মসীহ ও ইমাম মাহ্দী (আ.)  
আহমদীয়া মুসলিম জামাত-এর পরিষ্কার প্রতিষ্ঠাতা



# পয়গামে সুলেহ্

## (শান্তির বার্তা)

পয়গামে সুলেহ্  
(শান্তির বার্তা)



হ্যরত মির্যা গোলাম আহমদ  
প্রতিষ্ঠাত মসীহ ও ইমাম মাহনী (আ.)  
আহমদীয়া মুসলিম জামাত-এর পরিত্রে প্রতিষ্ঠাতা।

প্রকাশনায়  
আহমদীয়া মুসলিম জামাত, বাংলাদেশ।

# পয়গামে সুলেহ্

## (শান্তির বার্তা)

গ্রন্থসত্ত্ব	ইসলাম ইন্টারন্যাশনাল পাবলিকেশন্স লি., ইউ. কে.
প্রকাশনায়	আহমদীয়া মুসলিম জামাত, বাংলাদেশ। ৪ বকশী বাজার রোড, ঢাকা-১২১১
মূল	হযরত মির্যা গোলাম আহমদ প্রতিষ্ঠিত মসীহ ও ইমাম মাহ্মুদী (আ.)
ভাষাস্তর	আল্লামা জিল্লুর রহমান
প্রকাশকাল	প্রথম প্রকাশ: ১৯৪৩ খ্রিষ্টাব্দ বর্তমান সংস্করণ: অক্টোবর ২০২২ খ্রিষ্টাব্দ
সংখ্যা	১০০০ কপি
প্রচ্ছদ	মুহাম্মাদ নুরুল ইসলাম মিঠু
মুদ্রণে	ইন্টারকন এসোসিয়েটস্ ৮৫/এ, নিউ আরামবাগ, মতিঝিল, ঢাকা-১০০০।

### Message of Peace

পয়গামে সুলেহ্  
(শান্তির বার্তা)

by

**Hazrat Mirza Ghulam Ahmad**

The Promised Messiah & Imam Mahdi<sup>as</sup>

Translated into Bengali by

**Allama Zillur Rahman**

1<sup>st</sup> Published in Bangladesh in 1943

Current Published in Bangladesh in October 2022

Published by

**Ahmadiyya Muslim Jama'at, Bangladesh**

4, Bakshi Bazar Road, Dhaka-1211

© Islam International Publications Ltd., U.K.

ISBN 978-984-991-032-9

## ভূমিকা

আহমদীয়া মুসলিম জামা'তের পবিত্র প্রতিষ্ঠাতা প্রতিশ্রূত ও ইমাম মাহদী হ্যরত মির্যা গোলাম আহমদ (আ.) ১৯০৮ সালে পৃথিবী থেকে বিদায় নেন। তাঁর মৃত্যুর দু'দিন পূর্বে তিনি পয়গামে সুলেহ (শান্তির বার্তা) নামক এ পুষ্টিকাটি উর্দুতে লেখেন। এটাই তাঁর জীবনের শেষ লেখা। তাঁর সময়ে তৎকালীন বৃটিশ ভারতবর্ষে হিন্দু ও মুসলমানের মাঝে সাম্প্রদায়িক বিরোধ চরম পর্যায়ে পৌছে ছিল। এ বিরোধের আজো অবসান হয় নি। প্রায় প্রতি বছর এ উপমহাদেশের কোথাও না কোথাও হিন্দু-মুসলিম দাঙা-হঙ্গমার ঘটনা ঘটেই চলেছে। এহেন অবঙ্গায় হিন্দু-মুসলিম সাম্প্রদায়িক কলহ দূর করার জন্য হ্যরত মির্যা গোলাম আহমদ (আ.) তাঁর এ পুষ্টিকায় অবিভক্ত ভারতবর্ষের এ দুটো জাতির মাঝে শান্তি স্থাপনের উদ্দেশ্যে সন্ধির আহবান জানিয়েছেন। তিনি দ্যৰ্থহীনভাবে বলেন, কারো স্বীকৃত পয়গম্বর ও ঐশ্বী ধর্ম গ্রহের প্রতি নিন্দা ও মিথ্যারূপ করে আক্রমণ করাটাই সন্ধির পথে বাধা। তিনি বলেন, আমরা কখনো অন্য জাতির দুর্নাম করি না।

কেননা যদি তাঁরা খোদার পক্ষ থেকে না হতেন তবে কোটি কোটি লোকের হৃদয় তাদের র্যাদা প্রতিষ্ঠিত হতো না। এরই ভিত্তিতে আমরা বেদকেও খোদার পক্ষ থেকে অবর্তীণ বলে বিশ্বাস করি এবং তাঁর খ্যাদেরকে সম্মানিত ও পবিত্র মনে করি। তদ্রূপ শান্তি স্থাপনের জন্য তিনি আমাদের নবী (সা.)-কে খোদার সত্য নবী বলে মেনে নিতে এবং ভবিষ্যতে তাঁর অবমাননা করা ও তাঁকে মিথ্যাবাদী আখ্যায়িত করা থেকে বিরত থাকতে হিন্দু ও আর্য সমাজীগনকে আহবান জানান। হিন্দু ও মুসলমানের মধ্যকার শক্রতা ও বিদ্বেষের মূল কারণ ধর্মীয় বাগড়া এবং এটা রাজনৈতিক বাগড়া নয় বলে তিনি বিশ্বাস করতেন। তাই তিনি বলেছেন, ‘হে মুসলমানগণ! আপনাদের ও হিন্দুদের মধ্যে শক্রতা বিদ্বেষ কেবল তখন দূর হতে পারে যখন আপনারা বেদ ও বেদে খ্যাদেরকে সরল অন্তঃকরণে খোদার পক্ষ থেকে এসেছেন বলে স্বীকার করে নিবেন। তেমনিভাবে হিন্দুগণও আমাদের নবী (সা.)-এর নবুওয়াতকে সত্য বলে স্বীকার করে নিবেন। এমনটি হলোই ভারতবর্ষে হিন্দু-মুসলিম বিরোধ চিরকালের জন্য তিরোহিত হয়ে যাবে।

আহমদী মিশনারী আল্লামা জিল্লুর রহমান সাহেব ১৯৪৩ সালে ‘পয়গামে  
সুলেহ’ পুষ্টিকাটি সাধু বাংলায় অনুবাদ করেন। অঙ্গত কারণে পুষ্টিকাটির  
কোন কোন অংশের অনুবাদ তখন করা হয় নি। এছাড়া হ্যরত মির্যা গোলাম  
আহমদ (আ.) এ পুষ্টিকাটি সম্পর্কে তাঁর পাণ্ডলিপিতে যে সকল নোট  
লিখেছিলেন সেগুলোরও অনুবাদ করা হয় নি।

অতএব জামাতের ভাকে সাড়া দিয়ে জনাব নাজির আহমদ ভুঁইয়া পুষ্টিকাটির  
সম্পূর্ণটাই প্রাঞ্জল, সাবলীল ও চলিত ভাষায় পুনঃ অনুবাদ করেন। আমাদের  
সদর মুরব্বী মাওলানা আহমদ সাদেক মাহমুদ সাহেব মূল পুষ্টিকার সাথে  
মিলিয়ে বঙ্গানুবাদটির প্রয়োজনীয় সংশোধন করেছেন। জনাব মরহুম মৌলবী  
মোহাম্মদ মুতিউর রহমান অনুবাদের শেষ প্রফুটি দেখে দিয়েছেন। করঢাময়  
আল্লাহ তা'লা সংশ্লিষ্ট সকলকে উত্তম পুরস্কারে ভূষিত করঢন, আমিন।

বিশ্বের বাংলা ভাষাভাষী হিন্দু-মুসলমান নেতৃস্থানীয় ব্যক্তিদেরকে আমরা  
আকুল আহ্বান জানাচ্ছি তাঁরা যেন এ পুষ্টিকায় বিস্তারিতভাবে লিপিবদ্ধ  
উপদেশের আলোকে হিন্দু-মুসলিম বিরোধের প্রকৃত সমাধানের প্রতি বিশেষ  
মনোযোগী হন। তবেই আমাদের এ বঙ্গানুবাদ প্রচেষ্টা সার্থক হবে।


খাকসার

ঝুঁড় মির্যা মুর্তুমী  
আলহাজ্জ মওলানা আব্দুল আউয়াল খান চৌধুরী  
ন্যাশনাল আর্মী  
আহমদীয়া মুসলিম জামাত, বাংলাদেশ

ঢাকা

অক্টোবর ২০২২

## লেখক পরিচিতি



প্রতিশ্রূত মসীহ ও ইমাম মাহদী হযরত মির্যা গোলাম আহমদ (আ.) ১৮৩৫ সনে ভারতের পাঞ্জাব প্রদেশের কাদিয়ান নামক স্থানে জন্মগ্রহণ করেন। তিনি আজীবন পবিত্র কুরআন-এর গবেষণা ও মাহাত্ম্য অনুসন্ধান, দোয়া ও একান্ত ধর্মপরায়ণ জীবন যাপন করেন। চারদিক হতে ইসলামের বিরুদ্ধে নেওঁরা অপবাদ, আক্রমণ, মুসলমানদের চরম অবনতি, নিজ ধর্ম-বিশ্বাসে সন্দেহ-সংশয় ও নামমাত্র ধর্ম পালন ইত্যাদি অবলোকন করে তিনি ইসলামের যথার্থ ও পরিপূর্ণ রূপ প্রকাশের কাজে আত্মানিয়োগ করেন। তাঁর বিশাল

রচনাসমগ্র (প্রায় ৮৮টি পুস্তক) বক্তৃতা, আলোচনা, ধর্মীয় বিতর্ক (বাহাস) প্রভৃতিতে তিনি অকাট্য যুক্তি উপস্থাপন করেন সাব্যস্ত করেন, ইসলাম-ই একমাত্র জীবন্ত ধর্ম এবং একমাত্র এরই বিশ্বাসসমূহ ধারণ ও পালন করার মাধ্যমে মানবকূল তার পরম স্বষ্টির সাথে সম্পর্ক ও যোগাযোগ স্থাপন করতে পারে। পবিত্র কুরআনের শিক্ষা ও ইসলাম ধর্মের বিধি-বিধানই কেবল মানবজাতিকে নৈতিকতা, উন্নততর বুদ্ধিভূতি এবং আধ্যাত্মিকতার স্বর্ণশিখরে পৌঁছাতে পারে। তিনি ঘোষণা করেন- কুরআন, বাইবেল ও হাদীসের ভবিষ্যদ্বাণী অনুযায়ী আল্লাহ্ তা'লা তাঁকে মসীহ্ ও মাহ্মী হিসেবে নিযুক্ত করেছেন। ঐশ্বী আদেশে ১৮৮৯ সন হতে তিনি তাঁর হাতে সকলকে একত্র হওয়ার জন্য বয়াত গ্রহণ করা শুরু করেন যা এখন বিশ্বের ২১৬ টি দেশজুড়ে কোটি কোটি মানুষের মধ্যে ছড়িয়ে গেছে। ১৯০৮ সনে প্রতিশ্রূত হয়ে মসীহ্ মওউদ (আ.)-এর মৃত্যুর পর হয়ে মাওলানা হেকীম নুরুল্লাহ (রা.) খলীফাতুল মসীহ্ আউয়াল বা প্রথম খলীফা নির্বাচিত হয়ে তাঁর স্থলাভিষিক্ত হন।

১৯১৪ সনে খলীফাতুল মসীহ্ আউয়াল (রা.)-এর মৃত্যুর পর হয়ে মসীহ্ মওউদ ও ইমাম মাহ্মী (আ.)-এর প্রতিশ্রূত পুত্র হয়ে মির্যা বশীরুল্লাহ মাহমুদ আহমদ (রা.) দ্বিতীয় খলীফা নির্বাচিত হয়ে দায়িত্ব গ্রহণ করেন। হয়ে মির্যা বশীরুল্লাহ মাহমুদ আহমদ (রা.) প্রায় ৫২ বছর খলীফাতুল মসীহ্ হিসেবে তাঁর কার্যক্রম চালিয়ে যান। ১৯৬৫ সনে তাঁর মৃত্যুর পর তাঁর বড় পুত্র ও ইমাম মাহ্মীর প্রতিশ্রূত পৌত্র হয়ে মির্যা নাসের আহমদ (রাহে.) খলীফা নির্বাচিত হন। প্রায় ১৭ বছর জামা'তের অভূতপূর্ব সেবা করার পর ১৯৮২ সনে তাঁর তিরোধান হয়। এরপর তাঁর ছোট ভাই হয়ে মির্যা তাহের আহমদ (রাহে.) খলীফা নির্বাচিত হন। ১৯শে এপ্রিল ২০০৩ সন মৃত্যুর পূর্ব পর্যন্ত খলীফাতুল মসীহ্ রাবে হয়ে মির্যা তাহের আহমদ (রাহে.) জামা'তকে বিশ্বময় ব্যাপক পরিচিতি ও বর্তমানের শক্তিশালী অবস্থায় আনার ক্ষেত্রে বলিষ্ঠ নেতৃত্ব প্রদান করেন। হয়ে মির্যা মসরুর আহমদ, খলীফাতুল মসীহ্ আল খামেস (আই.) নিখিল বিশ্ব আহ্মদীয়া মুসলিম জামা'তের পথওয়ে খলীফা, আধ্যাত্মিক পিতা ও প্রধান হিসেবে বর্তমানে নেতৃত্ব দান করে চলেছেন এবং তিনি প্রতিশ্রূত মসীহ্ (আ.)-এর আধ্যাত্মিক আশিস লাভকারী এক সৌভাগ্যবান প্রপৌত্র।

## পয়গামে সুলেহ্ (শান্তির বার্তা)

হে আমার সর্বশক্তিমান খোদা! হে আমার প্রিয় পথ-প্রদর্শক! তুমি আমাকে সে পথ দেখাও যে পথে নিষ্ঠাবান ও নির্মল হন্দয়ের লোকগণ তোমাকে পেয়ে থাকেন এবং আমাদেরকে ঐ সকল পথ হতে রক্ষা কর যা কেবল কামনা-বাসনা বা বিদ্রোহ, হিংসা বা পার্থিব লোভ-লালসা।

অতঃপর হে শ্রোতাগণ! শত শত মতভেদে থাকা সত্ত্বেও আমরা হিন্দু হই আর মুসলমান হই। আমরা ঐ খোদার প্রতি বিশ্বাস আনার ক্ষেত্রে অংশীদার, যিনি পৃথিবীর সুষ্ঠা ও অধিপতি। একইভাবে আমরা মানুষ নাম ধারণের ক্ষেত্রেও অংশীদার অর্থাৎ আমাদের সকলকেই মানুষ বলা হয়। তদ্বপ্ত একই দেশের অধিবাসী হওয়ার দরজনও আমরা একে অন্যের প্রতিবেশী। তাই নির্মল হন্দয় ও শুভেচ্ছার সাথে আমাদের একে অন্যের বন্ধু হয়ে যাওয়া কর্তব্য। তাছাড়া ধর্মীয় ও পার্থিব বিপদাপদে একে অন্যের প্রতি সহানুভূতি দেখানো উচিত এবং এমন সহানুভূতি দেখানো উচিত যেন একে অন্যের দেহের অংশ হয়ে যাই।

হে স্বদেশবাসীগণ! সে ধর্ম ধর্ম নয় যাতে সাধারণ সহানুভূতির শিক্ষা নেই এবং সে মানুষ মানুষ নয় যার মধ্যে সহানুভূতির গুণ নেই। আমাদের খোদা কোন জাতির মধ্যে পার্থক্য করেন নি। উদাহরণস্বরূপ, যে সব মানবীয় শক্তি ও ক্ষমতা আর্যাবর্তের আদিম জাতিদেরকে দেয়া হয়েছিল, সে সব শক্তি আরব, পারস্য, সিরিয়া, চীন ও জাপানের অধিবাসীদেরকে এবং ইউরোপ ও আমেরিকার জাতিগুলোকেও দেয়া হয়েছে। সকলের জন্য খোদার জীবন বিচানার কাজ করছে। সকলের জন্য তাঁর সূর্য, চন্দ্র ও আরো অনেক নক্ষত্র উজ্জ্বল প্রদীপের কাজ করছে এবং অন্যান্য সেবাও করছে। তাঁর সৃষ্টি জড়-প্রকৃতি, অর্থাৎ বায়ু, পানি, আগুন, মাটি এবং তেমনিভাবেই তাঁর সৃষ্টি অন্যান্য সকল বস্তু যথা শাক-সজি, ফল, ঔষধ ইত্যাদি থেকে সকল জাতি উপকৃত হচ্ছে। অতএব আমাদের প্রভু-প্রতিপালকের এ সকল রীতি এ শিক্ষাই দিচ্ছে আমরাও যেন জাতি-ধর্ম-বর্ণ নির্বিশেষে মানুষের প্রতি সৌজন্য ও সৌহার্দ্য দেখাই এবং অনুদার ও সংকীর্ণমনা না হই।

বঙ্গগণ! নিশ্চয় জানবেন, যদি আমাদের দুঁটি জাতির কোন জাতি খোদার গুণের সম্মান না করে এবং নিজেদের আচার-আচরণ তাঁর পবিত্র গুণাবলীর বিপরীত গঠন করে তবে সেই জাতি শীঘ্ৰই ধৰংস হয়ে যাবে। তারা কেবল নিজেরাই ধৰংস হবে না বৱৰং নিজেদের বংশধরকেও ধৰংস করে দেবে। যখন থেকে পৃথিবীর সৃষ্টি হয়েছে তখন থেকে সকল দেশের সাধু পুৰুষগণ এ সাক্ষ্য দিয়ে আসছেন যে, খোদার গুণের অনুসরণকাৰী হওয়া মানুষের স্থায়িত্বের জন্য এক জীবন সুধা। খোদার সকল পবিত্র গুণের অনুসরণ মানুষের দৈহিক ও আধ্যাত্মিক জীবনের সাথে জড়িত। এটাই শান্তির উৎস।

খোদা কুরআন শৰীফকে প্রথমে এ আয়াত দিয়েই শুরু করেছেন, যা সূরা ফাতিহায় রয়েছে— “আলহামদুলিল্লাহি রাবিল আলামীন” অর্থাৎ সকল পূৰ্ণ ও পবিত্র গুণ খোদারই, যিনি সকল ‘আলম’ (জগৎ- অনুবাদক)-এর প্রভু প্রতিপালক। ‘আলম’ শব্দে বিভিন্ন জাতি, বিভিন্ন যুগ ও বিভিন্ন দেশ অস্তৰ্ভূক্ত রয়েছে। এ আয়াত দিয়ে যে কুরআন শৰীফ শুরু করা হয়েছে এতে প্রকৃতপক্ষে সেই সকল জাতির (মতবাদ) খণ্ডন করা হয়েছে যারা খোদা তা'লার সর্বব্যাপক প্রতিপালন ও অনুগ্রহকে কেবল নিজেদের জাতিতে সীমাবদ্ধ রাখে এবং অন্যান্য জাতিকে এমন মনে করে যেন তারা খোদা তা'লার বান্দাই নয়, খোদা যেন তাদেরকে সৃষ্টি করে আবর্জনার ন্যায় ছুঁড়ে ফেলেছেন বা তাদেরকে ভুলে গেছেন, অথবা মাআয়াল্লাহ (আল্লাহ রক্ষা করুন) তারা তাঁর সৃষ্টিই নয়। দৃষ্টান্তস্বরূপ, ইহুদী ও খ্ষ্টানৱা আজো এ ধারণাই পোষণ করে, খোদার যত নবী ও রসূল এসেছেন তাঁরা কেবল ইহুদীদের বংশ থেকেই এসেছেন আর খোদা অন্যান্য জাতির প্রতি এত বিদ্রূপ যে, তাদেরকে বিপথগামী ও উদাসীন দেখেও তিনি তাদেরকে গ্রাহ্যই করেন নি যেমন ইঞ্জিলেও লিখিত আছে, হ্যরত মসীহ (আ.) বলেন, আমি কেবল ইস্রাইলীদের হারানো মেষের জন্য এসেছি। এ স্থলে আমি তর্কের খাতিরে বলছি, খোদা হওয়ার দাবি করে এমন সংকীর্ণ ধারণার কথা বড়ই বিশ্ময়ের ব্যাপার। মসীহ কি শুধু ইস্রাইলীদের খোদা ছিলেন এবং অন্যান্য জাতির খোদা ছিলেন না যে, তাঁর মুখ হতে এমন কথা বের হলো? অন্যান্য জাতির সংস্কার ও পথ-প্রদর্শনের তাঁর কী কোন প্রয়োজন নেই?

মোট কথা, ইহুদী ও খ্ষ্টানদের ধর্মমত এটাই, সকল নবী ও রসূল কেবল তাদের বংশ থেকেই আসতে থাকেন আর তাদের বংশেই খোদার কিতাবসমূহ অবতীর্ণ হতে থাকে। অন্যদিকে খ্ষ্টানদের ধর্মবিশ্বাস অনুযায়ী ঐশ্বী বাণীর

ধারা হয়েরত ঈসা (আ.) পর্যন্ত শেষ হয়ে গেছে এবং ঐশী বাণীর উপর মোহর লেগে গেছে।

আর্য সমাজীদেরকেও এই একই মতের অনুসরণ করতে দেখা যায়। অর্থাৎ যেভাবে ইছন্দী ও খৃষ্টানেরা নুবওয়ত ও ঐশী বাণীকে ইস্টাইলী বংশেই সীমাবদ্ধ রাখে এবং অন্যান্য সকল জাতিকে ঐশী বাণী লাভের গৌরব থেকে বিদায় করে দিচ্ছে। মানব জাতির দুর্ভাগ্যবশতঃ আর্য সমাজীগণও এ ধর্ম বিশ্বাসই গ্রহণ করে নিয়েছেন। অর্থাৎ তারাও এ বিশ্বাসই পোষণ করেন, খোদার বাণীর ধারা আর্যাবর্তের চার দেয়ালের বাইরে কখনো যায় নি, সর্বদা এ দেশ থেকেই চারজন ঝৰি নির্বাচিত হয়ে থাকেন, সর্বদা বেদই বারবার অবতীর্ণ হয় এবং সর্বদা বৈদিক সংস্কৃতকেই এ ঐশী বাণীর জন্য নির্দিষ্ট করা হয়েছে। এর ফলে এ দু'জাতিই খোদাকে বিশ্বজগতের প্রভু-প্রতিপালক মনে করে না। নইলে এর কোন কারণ জানা যায় না, যেক্ষেত্রে খোদা বিশ্ব জগতের প্রভু-প্রতিপালক, কেবল ইস্টাইলীদের প্রভু-প্রতিপালক নন বা কেবল আর্য সমাজীদের প্রভু-প্রতিপালক নন, সেক্ষেত্রে তিনি এক বিশেষ জাতির সাথে কেন এমন স্থায়ী সম্পর্ক স্থাপন করেন যাতে প্রকাশ্যভাবে পক্ষপাতিত্ব দেখতে পাওয়া যায়। সুতরাং এ সকল ধর্ম-বিশ্বাস খণ্ডন করার জন্যও খোদা তা'লা কুরআন শরীফে ‘আলহামদুলিল্লাহি রাবিল আলামীন’ (অর্থাৎ সকল প্রশংসা বিশ্বজগতের প্রভু-প্রতিপালকের জন্য- অনুবাদক) আয়াত দিয়ে শুরু করেছেন। তিনি কুরআন শরীফের বহু জায়গায় পরিষ্কারভাবে বলে দিয়েছেন, এ কথা সত্য নয় যে কোন বিশেষ জাতিতে বা বিশেষ দেশে খোদার নবী আসতে থাকেন। বরং খোদা কোন জাতি ও কোন দেশকেই ভুলেন নি। কুরআন শরীফে বিভিন্ন দৃষ্টান্ত দিয়ে বলা হয়েছে, যেভাবে খোদা প্রত্যেক দেশের অধিবাসীদেরকে তাদের অবস্থা অনুযায়ী তাদের দৈহিক প্রতিপালন করে আসছেন সেভাবেই তিনি প্রত্যেক দেশকে ও প্রত্যেক জাতিকে আধ্যাত্মিক প্রতিপালনের মাধ্যমেও অনুগ্রহীত করেছেন যেমন- তিনি কুরআন শরীফে এক জায়গায় বলেন, ‘ওয়া ইমমিন উমাতিন ইল্লা খালা ফীহা নাযীর’। অর্থাৎ এমন কোন জাতি নেই যাদের মাঝে কোন নবী বা রসূল পাঠানো হয় নি।

সুতরাং এ কথা কোন তর্ক ছাড়াই মেনে নেয়ার যোগ্য যে, ঐ সত্যের ও সর্বগুণের অধিকারী খোদা বিশ্বজগতের প্রভু-প্রতিপালক যার প্রতি প্রত্যেক বান্দার বিশ্বাস করা উচিত, তাঁর প্রতিপালন কোন বিশেষ জাতি পর্যন্ত

সীমাবদ্ধ নয়, না কোন বিশেষ যুগ পর্যন্ত এবং না কোন বিশেষ দেশ পর্যন্ত সীমাবদ্ধ বরং তিনি সকল জাতির প্রভু-প্রতিপালক, সকল যুগের প্রভু-প্রতিপালক, সকল জায়গার প্রভু-প্রতিপালক এবং সকল দেশের তিনিই প্রভু-প্রতিপালক। তিনিই সকল কল্যাণের ও সকল দৈহিক ও আধ্যাত্মিক শক্তির উৎস। সকল সৃষ্টি বস্তু তাঁর দ্বারাই প্রতিপালিত হচ্ছে এবং সকল অঙ্গিতের তিনিই আশ্রয়স্থল।

খোদার অনুগ্রহ সর্বব্যাপক। তা সকল জাতি, সকল দেশ ও সকল যুগকে ঘিরে রেখেছে। এর কারণ হলো, কোন জাতি যেন অভিযোগ করার সুযোগ না পায় এবং এ কথা বলতে না পারে খোদা অমুক অমুক জাতির প্রতি অনুগ্রহ করেছেন কিন্তু আমাদের প্রতি তা করেন নি বা অমুক জাতি তাঁর পক্ষ থেকে সত্য পথ পাওয়ার জন্য ঐশ্বী গ্রহ পেয়েছে কিন্তু আমরা পাই নি বা অমুক যুগে তিনি তাঁর বাণী ও অলৌকিক নির্দর্শনসহ প্রকাশিত হয়েছেন কিন্তু আমাদের যুগে তিনি গোপন রয়েছেন। অতএব তিনি ব্যাপক অনুগ্রহ দেখিয়ে এ সকল আপত্তি খণ্ডন করে দিয়েছেন এবং নিজের সর্বব্যাপক গুণ এভাবে দেখিয়েছেন যে, কোন জাতিকে তিনি দৈহিক ও আধ্যাত্মিক অনুগ্রহ থেকে বঞ্চিত রাখেন নি এবং কোন যুগকেই তিনি বঞ্চিত করেন নি। অতএব আমাদের খোদার যখন এ নীতি তখন আমাদেরও এ নীতিরই অনুসরণ করা কর্তব্য। সুতরাং হে আমার স্বদেশবাসী ভাইগণ! এ সংক্ষিপ্ত পুস্তিকাটি যার নাম ‘পয়গামে সুলেহ্’ (শান্তির বার্তা) তা সম্মানের সাথে আপনাদের নিকট উপস্থিত করছি এবং সর্বান্তকরণে প্রার্থনা করছি সেই সর্বশক্তিমান খোদা নিজেই যেন আপনাদের হাদয়ে প্রেরণা দান করেন এবং আমার সহানুভূতির প্রকৃত স্বরূপ আপনাদের নিকট প্রকাশ করেন, যাতে আপনারা এ বন্ধুত্বের উপহারকে কোন বিশেষ উদ্দেশ্য ও ব্যক্তিগত স্বার্থের উপর প্রতিষ্ঠিত বলে মনে না করেন। বন্ধুগণ! পরকালের বিষয়তো সাধারণ লোকের নিকট প্রায়ই গোপন থাকে এবং এর রহস্য কেবল তাদের নিকটই প্রকাশিত হয় যারা মৃত্যুর পূর্বেই মরে যায় (অর্থাৎ আল্লাহতে আত্মবিলীন হয়ে যায়— অনুবাদক)। কিন্তু প্রত্যেক সূক্ষ্ম দূরদৃষ্টিসম্পন্ন ব্যক্তিই পার্থিব ভালমন্দ চিনে নিতে পারে।

এ কথা কারো অজানা নেই, একতা এমন একটি শক্তি যে, ঐ সকল বিপদ যা কোনভাবেই দূর হয় না এবং ঐ সকল সমস্যা যা কোন প্রচেষ্টাতেই সমাধান হয় না তা একতার দ্বারাই সমাধান হয়ে যায়। অতএব একতার কল্যাণ থেকে

নিজেকে বঞ্চিত রাখা কোন বুদ্ধিমানের কাজ নয়। এদেশে হিন্দু ও মুসলমান এমন দু'টি জাতি, দৃষ্টান্তস্থলে বলতে হয়, কোন সময় তাদের মধ্যে হিন্দুরা একত্রিত হয়ে মুসলমানদেরকে এদেশ থেকে বের করে দেবে, এটা এক অসম্ভব ধারণা। বরং এখনতো হিন্দু ও মুসলমানের ভাগ্য এক সুতায় গাঁথা হয়ে গেছে। যদি এক জাতির উপর বিপদ আসে তবে অন্য জাতিও এর অংশীদার হয়ে যাবে। আর যদি এক জাতি অন্য জাতিকে কেবল নিজেদের অহংকার ও দাঙ্কিকতার দরুণ লাঞ্ছিত করতে চায় তবে তারাও লাঞ্ছনার কালিমা থেকে রেহাই পাবে না। যদি তাদের মাঝে কেউ নিজ প্রতিবেশীকে সহানুভূতি দেখাতে ক্রটি করে তবে এর ক্ষতিতে তাকেও ভুগতে হবে। তোমাদের দু'জাতির মধ্যে যে জাতি অন্য জাতির ধর্মসের চিন্তা করে সে ঐ ব্যক্তির ন্যায়, যে একটি শাখায় বসে সেই শাখাকেই কাটে। আপনারা আল্লাহ তাঁ'লার অনুগ্রহে শিক্ষিতও হয়েছেন, এখন ঈর্ষা ছেড়ে ভালবাসার দিকে অগ্রসর হওয়াই আপনাদের জন্য শোভনীয়। হৃদয়ের কঠোরতা ও অবজ্ঞা ছেড়ে সহানুভূতিশীল হওয়াই আপনাদের বুদ্ধিমত্তার পরিচয়। তা না হলে আপনাদের অবস্থা পার্থিব সমস্যাবলীতে জড়িয়ে প্রচণ্ড রোদের তাপের সময় মরংভূমিতে ভ্রমণ করার ন্যায় হয়ে যাবে। অতএব এ দুর্গম পথের জন্য পারস্পরিক একত্র সেই শীতল পানির প্রয়োজন যা এ জ্বলন্ত আগুনকে নিভিয়ে দিবে ও পিপাসার সময় মৃত্যু থেকে রক্ষা করবে।

এমন সংকটকালে আমি আপনাদেরকে সন্ধির জন্য আহ্বান জানাচ্ছি। এখন উভয় জাতির জন্য সমবোতার একান্ত প্রয়োজন। পৃথিবীতে বিভিন্ন ধরনের বিপদ আপন নেমে আসছে। দুর্ভিক্ষ আসছে। প্লেগও এখনো লেগেই আছে। খোদা আমাকে যা কিছু জানিয়েছেন তা হলো, যদি পৃথিবী নিজ অসৎ কর্ম থেকে বিরত না হয়ে এবং মন্দ কাজ থেকে না ফিরে তবে পৃথিবীতে ভয়ঙ্কর বিপদ- আপন আসবে। আর একটি বিপদ শেষ না হতেই অন্য বিপদ এসে উপস্থিত হবে। অবশ্যে মানুষ নিতান্ত দিশেহারা হয়ে বলবে, এ কী হতে চলেছে। আর বহু লোক বিপদে পড়ে পাগলের ন্যায় হয়ে যাবে।

অতএব হে স্বদেশবাসী ভাইয়েরা! সেদিন আসার পূর্বেই সাবধান হয়ে যাও, হিন্দু-মুসলমান পরস্পরের মধ্যে সন্ধি করে নেয়া উচিত। যে জাতির কোন বাড়াবাড়ি এ সন্ধির পথে বাধা হয়ে দাঁড়ায় সেই জাতি যেন এ বাড়াবাড়ি ত্যাগ করে। নচেৎ পরস্পরের শক্রতার সমস্ত পাপ ঐ জাতির ঘাড়ে চাপবে।

যদি কেউ জিজ্ঞেস করে কেমন করে সন্ধি হতে পারে সেক্ষেত্রে এ কথাই বলবো পারস্পরিক ধর্মীয় মতভেদ সন্ধির পথে এমন একটি বাধা যা দিন দিন মানুষের হাদয়ে বিদ্বেষ সৃষ্টি করেই চলেছে।

এর উভয়ে আমি এ কথাও বলবো, প্রকৃতপক্ষে ধর্মীয় মতভেদ কেবল এই মতভেদেরই নাম, যে ক্ষেত্রে উভয় পক্ষই মনে করে তারা জ্ঞান-বুদ্ধি, ন্যায়-বিচার ও প্রত্যক্ষ বিষয়ের উপর প্রতিষ্ঠিত। নতুবা মানুষকে তো এ জন্য বিবেক-বুদ্ধি দেয়া হয়েছে যেন তারা এমন অবস্থান গ্রহণ করে যা বিবেক-বুদ্ধি ও ন্যায় বিচারসম্মত এবং যা ইন্দ্রিয়গ্রাহ্য প্রত্যক্ষ বিষয়গুলোর বিরোধী না হয়। ছোট ছোট মতভেদ সন্ধির পথে বাধা হতে পারে না। বরং ঐ মতভেদই সন্ধির পথে বাধা হবে যা কারো স্বীকৃত পয়গম্বর ও ঐশ্বী ধর্ম গ্রন্থের প্রতি নিন্দা ও মিথ্যারোপ করে আক্রমণ করে।

এ ছাড়া শান্তি-কামীদের জন্য একটা আনন্দের বিষয় আছে। তা হলো, ইসলামে যতগুলো শিক্ষা রয়েছে তা বৈদিক শিক্ষার কোন না কোন শাখায় বিদ্যমান রয়েছে। দৃষ্টান্তস্বরূপ, যদিও নবসৃষ্ট ধর্মতাবলম্বী আর্য সমাজের মতে বেদের পর ঐশ্বী বাণীর উপর মোহর লেগে গেছে (অর্থাৎ ঐশ্বী বাণী বন্ধ হয়ে গেছে) কিন্তু হিন্দু ধর্মে বিভিন্ন সময়ে যে সকল অবতার আবির্ভূত হয়েছেন যাদের মান্যকারী কোটি কোটি লোক এ দেশে রয়েছে, তাঁরা (অর্থাৎ এ সকল অবতার-অনুবাদক) ঐশ্বী বাণী পাওয়ার দাবির মাধ্যমে এ মোহর ভেঙে দিয়েছেন। উদাহরণস্বরূপ, এ দেশে ও বাংলাদেশে এক মহা অবতারকে খুব সম্মান ও শ্রদ্ধার সাথে মান্য করা হয়। তাঁর নাম শ্রীকৃষ্ণ। তিনি ঐশ্বী বাণীপ্রাপ্ত হওয়ার দাবি করেন। তাঁর অনুসারীগণ তাঁকে কেবল ঐশ্বীবাণীপ্রাপ্ত নয় বরং পরমেশ্বর বলেও মান্য করেন। কিন্তু এতে সন্দেহ নেই, তিনি তাঁর যুগের নবী ও অবতার ছিলেন এবং খোদা তাঁর সাথে কথা বলতেন।

এরপেই এ শেষ যুগে হিন্দু জাতিতে বাবা নামক জন্মগ্রহণ করেন। তাঁর বুঁয়ুর্গীর খ্যাতি এ দেশ জুড়ে জনগণের মুখে মুখে ফিরছে। তাঁর অনুসারীদেরকে এ দেশে শিখ জাতি বলা হয়। তারা বিশ লাখের কম হবে না। বাবা সাহেবে তাঁর জনম শাখি কবিতাগুলোতে ও গ্রন্থ সাহেবে পৃষ্ঠকে প্রকাশ্যভাবে ঐশ্বী বাণী পাওয়ার দাবি করেছেন। এমনকি তিনি তাঁর এক জনম শাখিতে লেখেন, আমি খোদার পক্ষ থেকে বাণী পেয়েছি যে, ইসলাম ধর্ম সত্য। এরই ভিত্তিতে তিনি

হজ্জও করেন এবং সকল ইসলামী ধর্ম বিশ্বাসের আনুগত্য করেন। নিঃসন্দেহে এটা প্রমাণিত হয়েছে, তাঁর দ্বারা বহু অলৌকিক ক্রিয়া ও নির্দর্শনও প্রকাশিত হয়েছে। এতে কোন সন্দেহ থাকতে পারে না বাবা নামক একজন পুণ্যবান ও আল্লাহর মনোনীত ব্যক্তি ছিলেন। তিনি সেই সকল লোকের, অস্তুর্ভুক্ত ছিলেন, যাঁদেরকে খোদা নিজ প্রেম-সুধা পান করিয়ে থাকেন। তিনি হিন্দুদের মধ্যে কেবল এ কথার সাক্ষ্য দেয়ার জন্য জন্ম লাভ করেছিলেন যে, ইসলাম খোদার পক্ষ থেকে এসেছে। যে ব্যক্তি তাঁর সে সকল ‘তাবারুক’ (আশিসমণ্ডিত বস্তু দেখবে যা ডেরা বাবা নানকে বিদ্যমান রয়েছে যাতে অত্যন্ত দৃঢ়তার সাথে তিনি ‘না ইলাহা ইল্লাহু মুহাম্মাদুর রসূলুল্লাহু’ কলেমার সাক্ষ্য দিয়েছেন এবং ঐসকল তাবারুকও দেখবে যাতে একখানা কুরআন শরীফও রয়েছে যা ফিরোজপুর জেলায় অবস্থিত গুরুহাট সহায় নামক স্থানে বিদ্যমান রয়েছে, তার সন্দেহ থাকবে না যে, বাবা নানক সাহেব তাঁর পবিত্র হৃদয় ও পবিত্র স্বভাব এবং পবিত্র সাধনা দ্বারা ঐ রহস্য উদ্ঘাটন করেছিলেন যা বাহ্যদর্শী পণ্ডিতদের নিকট গোপন ছিল। তিনি ঐশ্বী বাণী পাওয়ার দাবি করেন এবং খোদার পক্ষ থেকে নির্দর্শন ও অলৌকিক ক্রিয়া দেখিয়ে বেদের পরে কোন ঐশ্বী বাণী আসবে না এবং নির্দর্শন ও প্রকাশিত হবে না বলে যে ধর্ম বিশ্বাস প্রচলিত রয়েছে তা সুস্পষ্টভাবে খণ্ডন ও রদ করেন। নিঃসন্দেহে বাবা নানক সাহেবের আবির্ভাব হিন্দুদের জন্য খোদার শেষ অবতার ছিলেন। হিন্দুদের হৃদয়ে ইসলাম সম্পর্কে যে ঘৃণা ছিল তিনি তা দূর করতে চেয়েছিলেন। কিন্তু এদেশের এটাও দুর্ভাগ্য, হিন্দু ধর্ম বাবা নানকের শিক্ষা থেকে কোন উপকার গ্রহণ করে নি। বরং পণ্ডিতেরা তাঁকে এ জন্য দুঃখ দিয়েছেন, কেননা তিনি জায়গায় জায়গায় ইসলামের প্রশংসা করেন। তিনি হিন্দু ধর্ম ও ইসলামের মধ্যে সম্মত স্থাপন করতে এসেছিলেন। কিন্তু আফসোস তাঁর শিক্ষার দিকে কেউই মনোযোগ দেয় নি। যদি তাঁর মহান ব্যক্তিত্ব ও তাঁর শিক্ষা থেকে কিছুটা উপকার গ্রহণ করা হতো তবে আজ হিন্দু ও মুসলমান সকলে এক হতো। হায় আফসোস! এ কথা ভাবলেও আমার কান্না আসে যে, এমন মহান ব্যক্তি পৃথিবীতে এলেন এবং চলেও গেলেন কিন্তু অঙ্গ লোকেরা তাঁর জ্যোতি থেকে সামান্য আলোও লাভ করলো না।

যাহোক তিনি এ কথা প্রমাণ করে গেছেন, খোদার বাণী ও তাঁর কথা কখনো বন্ধ হয় না এবং খোদার নির্দর্শন তাঁর মনোনীত ব্যক্তিবর্গের মাধ্যমে সব সময়

প্রকাশিত হয়ে থাকে। তিনি এ কথার সাক্ষ্য দিয়ে গেছেন, ইসলামের শক্রতা মানে জ্যোতির সাথে শক্রতা বৈ আর কিছু নয়।

এভাবে আমিও এ ব্যাপারে অভিজ্ঞতা লাভ করেছি, নিচয় খোদার ওহী ও খোদার ইলহাম সে যুগেও বন্ধ হয় নি। বরং খোদা পূর্বে যেভাবে বলতেন এখনো সেভাবে বলেন এবং যেভাবে পূর্বে শুনতেন এখনো সেভাবে শুনেন। এমন নয় যে, তাঁর সনাতন গুণাবলী রহিত হয়ে গেছে। আমি প্রায় ত্রিশ বছর যাবৎ আল্লাহর সাথে কথা বলায় ও তাঁর সমোধনে সম্মানিত হয়ে আসছি এবং তিনি আমার হাতে শত শত নিদর্শন দেখিয়েছেন। হাজার হাজার লোক এর সাক্ষী রয়েছে এবং বহু পুস্তকে ও পত্র-পত্রিকায় তা প্রকাশিত হয়েছে। এমন কোন জাতি নেই যারা কোন না কোন নিদর্শনের সাক্ষী নয়।

অতএব এত ধারাবাহিক সাক্ষ্য থাকা সত্ত্বেও খামাখা বেদের প্রতি আরোপিত আর্য সমাজীদের এ শিক্ষা কীভাবে গ্রহণযোগ্য হতে পারে? তারা বলে, খোদার কথা ও ইলহামের সমস্ত ধারা বেদে এসে শেষ হয়ে গেছে। তারপর কেবল কেচ্ছা-কাহিনীর উপর নির্ভর করতে হবে। এ বিশ্বাসটুকু হাতে নিয়েই তারা বলে, বেদ ছাড়া পৃথিবীতে ঐশী বাণীর নামে যত পুস্তক রয়েছে সেগুলো ‘নাউয়ুবিল্লাহ’ (এমন ধারণা থেকে আল্লাহ রক্ষা করুন-অনুবাদক) মানুষের বানানো: অথচ সেই সকল পুস্তক বেদের চেয়ে অনেক বেশি নিজেদের সত্যতার প্রমাণ পেশ করেছে, সেগুলোর সাথে খোদার সাহায্য ও সহায়তার হাত রয়েছে এবং খোদার অসাধারণ নিদর্শন সেগুলোর সত্যতার সাক্ষ্য দিচ্ছে। তাহলে কেবল বেদই কেন খোদার কথা হবে এবং অন্যান্য পুস্তক (ধর্ম গ্রন্থ) খোদার কথা হবে না কেন? খোদার সত্তা যেহেতু সূক্ষ্ম থেকে সূক্ষ্মতর এবং গোপন থেকে গোপনতর, সেজন্য মানুষের বিবেকও এটাই চায়, তিনি যেন তাঁর সত্তা প্রমাণ করার জন্য একটি ধর্মগ্রন্থ দিয়েই ক্ষান্ত না হন বরং বিভিন্ন দেশ থেকে নবী নির্বাচিত করে তাঁর কথা ও বাণী তাদেরকে দান করেন যাতে দুর্বলচিন্ত সন্দিঘ্মনা মানুষ তাদেরকে গ্রহণ করার সৌভাগ্য থেকে বাধ্যত না থাকে।

আর বিবেক কখনো এ কথা গ্রহণ করতে প্রস্তুত নয়, সেই খোদা যিনি সমস্ত জগতের খোদা যিনি তাঁর সূর্য দ্বারা পূর্ব ও পশ্চিমকে আলোকিত করেন এবং তাঁর মেঘ দ্বারা প্রত্যেক দেশকে প্রতিটি প্রয়োজনের সময় সিদ্ধিত করেন, তিনি নাউয়ুবিল্লাহ (আল্লাহ রক্ষা করুন-অনুবাদক) আধ্যাত্মিক শিক্ষা দানে এমন সংকীর্ণ ও কৃপণ যে, চিরকালের জন্য তিনি কেবল একটি দেশ ও একটি জাতি

ও একটা ভাষাকেই পছন্দ করে নিয়েছেন! আমি বুঝতে পারি না এটা কি ধরনের যুক্তি ও কী ধরনের দর্শন যে, পরমেশ্বর প্রত্যেক মানুষের দোয়া ও প্রার্থনা তার নিজ ভাষায় বুঝতে পারেন এবং তা ঘৃণা করেন না কিন্তু বৈদিক সংস্কৃত ছাড়া অন্য কোন ভাষায় মানব হৃদয়ে ইলহাম (ঐশ্বী বাণী) করতে তিনি অত্যন্ত ঘৃণা করেন। এ দর্শন বা বেদ বিদ্যা এমন দুর্বোধ্য প্রহেলিকার ন্যায় যার সমাধান আজ পর্যন্ত কোন মানুষ দিতে পারে নি।

আমি এমন কথা থেকে বেদকে পবিত্র মনে করি যে, এটা কখনো এর কোন পৃষ্ঠায় এমন শিক্ষা প্রকাশ করেছে যা কেবল বিচার বুদ্ধির পরিপন্থীই নয় বরং পরমেশ্বরের পবিত্র সন্তার প্রতি কার্পণ্য ও পক্ষপাতিত্বের কালিমাও লেপন করে। বরং প্রকৃত কথা হলো, যখন কোন ঐশ্বী গ্রন্থ আসার পর এক সুনীর্ধ কাল পার হয়ে যায় তখন এর অনুসারীরা কিছুটা অজ্ঞতার জন্য এবং কিছুটা নিজেদের হীন স্বার্থসিদ্ধির জন্য ইচ্ছায় বা অনিচ্ছায় এ গ্রন্থে নিজেদের পক্ষ থেকে টীকা-টিপ্পনী বসিয়ে দেয়। আর যেহেতু যারা টীকা-টিপ্পনী বসিয়ে থাকে তারা বিভিন্ন ধ্যান-ধারণার লোক হয়ে থাকে, এ জন্য এ ধর্ম থেকে শত শত ধর্মের জন্ম হয়ে যায়।

আর আশ্চর্যের কথা হলো, যেরূপ আর্য সমাজীগণ এ বিশ্বাস পোষণ করেন যে, সর্বদা আর্য বংশীয়দের নিকট এবং আর্য্যাবর্তেই ঐশ্বী বাণীর দ্বারা সীমাবদ্ধ এবং সর্বদা বৈদিক সংস্কৃতেই ঐশ্বী বাণীর জন্য এককভাবে নির্দিষ্ট আর এটাই পরমেশ্বর ভাষা, নিজেদের বংশ এবং নিজেদের ধর্মগ্রাহ্যাবলী সম্পর্কে ইত্তদিদের ধারণা ঠিক অনুপ্রস্তুত। তাদের মতেও খোদার আসল ভাষা হিন্দু এবং খোদার বাণীর দ্বারা সর্বদা বনী ঈসরাইলের মধ্যে ও তাদেরই দেশে সীমাবদ্ধ। আর যে ব্যক্তি তাদের বংশ এবং তাদের ভাষা থেকে পৃথক হওয়া অবস্থায় নবী হওয়ার দাবি করে তাকে তারা নাউয়ুবিল্লাহ মিথ্যাবাদী মনে করে। অতএব এ সামঞ্জস্য কি বিস্ময়কর নয় যে, এ দু'টি জাতি তাদের নিজ নিজ বর্ণনায় একই ধারণার বশবর্তী হয়ে চলেছে? এভাবে পৃথিবীতে আরো কিছু সম্প্রদায় আছেন যারা অনুরূপ ধারণার বশবর্তী যেমন, পারাসী জাতি। তারা নিজেদের ধর্মের ভিত্তি বেদের চেয়েও কোটি কোটি বছর পূর্বের বলে বর্ণনা করে। এ থেকে বুঝা যায়, এ ধারণা (অর্থাৎ, চিরকালের জন্য নিজেদের দেশ, নিজেদের বংশ এবং নিজেদের ধর্মগ্রন্থের ভাষাকেই খোদার ওহী ও ইলহামের জন্য নির্ধারিত করা হয়েছে বলে মনে করা)। শুধু কুসংস্কার ও জ্ঞানের স্বল্পতার দরশন সৃষ্টি হয়েছে।

যেহেতু পূর্বের যুগে পৃথিবীর অবস্থা এমন ছিল যে, এক জাতির অন্য জাতির অবস্থা সম্বন্ধে এবং এক দেশ অন্য দেশের অস্তিত্ব সম্বন্ধে সম্পূর্ণরূপে অজ্ঞ ছিল, এজন্য যে, যে জাতির মধ্যে খোদার পক্ষ থেকে কোন ধর্মগ্রহণ এসেছে বা খোদার রসূল ও নবী এসেছেন তখন সে জাতি এ ভুলবশতঃ এ কথাই মনে করে নিয়েছে, যা কিছুই খোদার পক্ষ থেকে পথনির্দেশনা পাওয়ার ছিল তা কেবল এটাই এবং খোদার গ্রন্থ কেবল তাদেরই বংশকে ও তাদেরই দেশকে দেয়া হয়েছে আর সারা পৃথিবীর অবশিষ্ট অংশ এ থেকে বঞ্চিত রয়েছে।

এ ধারণা পৃথিবীর অনেক ক্ষতি করেছে। আর জাতিসমূহের মধ্যে পারস্পরিক ঘৃণা ও বিদেষের যে বীজ বেড়ে চলেছে, প্রকৃতপক্ষে তার মূল কারণ হচ্ছে এ ধারণা। দীর্ঘকাল পর্যন্ত এক জাতি অন্য জাতি থেকে পর্দার আড়ালে ছিল এবং এক দেশ অন্য দেশের নিকট অভ্যাস ও গোপন ছিল। এমনকি আর্য্যাবর্তের গুণী-জ্ঞানীদের এ ধারণা ছিল, হিমালয় পর্বতের ওপারে কোন জনবসতি নেই।

অতঃপর খোদা মাঝে থেকে পর্দা উঠিয়ে নিলেন এবং পৃথিবীর জনবসতি সম্পর্কে মানুষের জানা-শোনা কিছুটা বিস্তৃত হয়ে গেল। তখন এমন একটা যুগ ছিল যখন লোকেরা নিজেদের ঐশ্বী গ্রন্থ ও নিজেদের খবর এবং রসূলগণ সম্পর্কে যে সকল ভাস্তু বৈশিষ্ট্য নিজেদের অন্তরে গড়ে ধর্ম বিশ্বাসের অন্তর্গত করে নিয়েছিল, তা তাদের অন্তরে পাথরখোদিত নকশার ন্যায় দৃঢ় হয়ে গিয়েছিল। আর প্রত্যেক জাতি এ ধারণা পোষণ করতো, খোদার কেন্দ্রস্থল সর্বদা তাদের দেশেই রয়েছে। যেহেতু ঐ সময়ে অধিকাংশ জাতির মধ্যে পশুবৃত্তি প্রবল ছিল এবং প্রাচীন লোকাচার ও দেশাচারের বিরুদ্ধবাদীকে তলোয়ার দিয়ে উত্তর দেয়া হতো, এ জন্য তাদের আতঙ্করিতার উভেজনাকে শান্ত করে তাদের মাঝে সন্ধি স্থাপন করানোর সাধ্য কারো ছিল না। গৌতম বুদ্ধ এমন সন্ধি স্থাপনের ইচ্ছা করেছিলেন। তিনি একথা বিশ্বাস করতেন না, বেদেই সবকিছু এবং এর বাইরে কিছু নেই। তিনি জাতি, দেশ এবং বংশের বৈশিষ্ট্যও স্বীকার করতেন না। অর্থাৎ তার ধর্মবিশ্বাস এমন ছিল না যে, বেদেই সবকিছু সীমাবদ্ধ আর এ ভাষাই এবং এ দেশেই ও এ ব্রাহ্মণরাই পরমেশ্বরের বাণী পাওয়ার জন্য তাঁর আদালতে চিরকালের জন্য রেজিস্ট্রি করেছিলেন এবং তাঁকে নাস্তিক ও নাস্তিক মতবাদধারী আখ্যা দেয়া হয়েছিল, যেভাবে আজকাল ইউরোপ ও

আমেরিকার সেই সকল গবেষক পদ্মী সাহেবদের মতে তারা সকলেই নাস্তিক যারা ঈসা (আ.)-এর ঈশ্বরত্ব স্বীকার করে না এবং একথা মানতে রাজি নয় যে, খোদাও ক্রুশবিদ্ধ হতে পারেন।

সুতরাং বুদ্ধকেও এ ধরনেরই নাস্তিক সাব্যস্ত করা হয়েছিল এবং যেহেতু সাধারণের মাঝে ঘৃণা জন্মাবার জন্য তাঁর প্রতি অনেক অপবাদ লাগানো হয়েছিল, সেজন্য দুষ্ট বিরুদ্ধবাদীদের রীতি অনুযায়ী অবশেষে বুদ্ধকে তাঁর দেশ ও মাতৃভূমি আর্য্যাবর্ত থেকে বের করে দেয়া হয়েছিল। তখন পর্যন্ত হিন্দুরা বৌদ্ধ ধর্ম ও এর সফলতাকে অত্যন্ত ঘৃণা ও অবজ্ঞার চোখে দেখে থাকতো। কিন্তু হয়রত ঈসা আলাইহেস সালামের উক্তি ‘নিজ জন্মভূমি ছাড়া নবী অন্য অপমানিত হয় না’ অনুযায়ী বুদ্ধ অন্য দেশে হিজরত করে বড় সফলতা লাভ করেছিলেন। বলা হয়ে থাকে, পৃথিবীর তিনভাগের এক ভাগ বৌদ্ধ ধর্মে ভরে গেছে। আর অনুসারীদের সংখ্যাধিক্যের দিক থেকে এর প্রকৃত কেন্দ্র চীন ও জাপান, যদিও এ মতবাদ দক্ষিণ রাশিয়া ও আমেরিকা পর্যন্ত ছড়িয়ে পড়েছে।

এখন আমি আমার সকল বিষয়ের দিকে ফিরে এসে লিখছি, যে সকল যুগে এক ধর্মের লোকেরা অন্য ধর্ম সম্পর্কে জানতো না তখন প্রত্যেক জাতি তাদের নিজেদের ধর্ম ও ধর্মগ্রন্থে সীমাবদ্ধ থাকতে বাধ্য ছিল। এমন সীমাবদ্ধ থাকার শেষ পরিণাম এ হল, যখন এক দেশ অন্য দেশের অস্তিত্ব সম্বন্ধে জেনে গেল এবং বিভিন্ন দেশের মানুষ একে অন্যের ধর্ম সম্পর্কে জ্ঞান লাভ করলো তখন এক দেশের লোকের পক্ষে অন্য দেশের ধর্মের সত্যতা স্বীকার করা কঠিন হয়ে পড়লো। কেননা কবিসুলভ অতিরিক্তের দরশন প্রত্যেক ধর্মে বিভিন্ন বৈশিষ্ট্য ও শ্রেষ্ঠত্ব নির্ধারিত হয়ে পড়েছিল। এগুলো দূর করা কোন সহজ কাছ ছিল না। এ জন্য প্রত্যেক ধর্মের অনুসারীরা অন্য ধর্মকে মিথ্যা সাব্যস্ত করতে বদ্ধপরিকর হলো। যিন্দাবেষ্টার ধর্ম ‘আমার মত আর কেউ নেই’ এর পতাকা উত্তোলন করলো এবং পয়গম্বরীর (অর্থাৎ ঐশ্বী বার্তাবাহকের আগমন-অনুবাদক) ধারাকে নিজেদের জাতিতেই সীমাবদ্ধ করলো এবং নিজেদের ধর্মের এত লম্বা ইতিহাস বর্ণনা করলো যে, বেদের ঐতিহাসিকরা তাদের সামনে লজ্জিত হয়ে পড়লো।

এদিকে ইব্রানী জাতি তাদের ধর্মের শ্রেষ্ঠত্ব এভাবে দেখালো যেন তারা খোদার রাজধানী সিরিয়া দেশেই চিরকালের জন্য নির্বারিত করলো এবং তাদের

বৎশের মনোনীত লোকেরাই চিরকালের জন্য দেশ সংস্কারের জন্য যোগ্য হিসেবে প্রেরিত হবে বলে সাব্যস্ত করলো। কিন্তু এ সংস্কার কার্যত : বনী ইসরাইল জাতিতেই সীমাবদ্ধ রইল। আর ইলহাম ও খোদার ওহী লাভের অধিকার তাদের বৎশের জন্যই যেন একচেটিয়া হয়ে গেল এবং অন্য কেউ উঠলে (অর্থাৎ সংস্কারক হওয়ার দাবি করলে-অনুবাদক) সে মিথ্যাবাদী বলে পরিগণিত হবে।

এরপেই আর্য্যাবর্তেও হৃবঙ্গ এ ধারণাই প্রচারিত হয়ে পড়লো যা ইসরাইলীদের মধ্যে প্রচারিত হয়েছিল। তাদের বিশ্বাস অনুসারে পরমেশ্বর কেবল আর্য্যাবর্তেরই রাজা, তা-ও এমন রাজা যিনি অন্য দেশের খবরই রাখেন না। আর কোন যুক্তি-প্রমাণ ছাড়াই এ কথা মেনে নেয়া হয়েছে, যখন থেকে পরমেশ্বর আছেন তখন থেকে আর্য্যাবর্তের জলবায়ুই তার পছন্দ হয়েছে। তিনি কখনো অন্য দেশ সফর করতেও চান না এবং ঐ হতভাগাদের তিনি খবরও নেন না; তিনি যেন তাদেরকে সৃষ্টি করার পর ভুলে গেছেন।

বঙ্গুগণ! খোদার দোহাই। ভেবে দেখুন, এ সকল ধর্ম-বিশ্বাস কি মানব-প্রকৃতি গ্রহণ করতে পারে, না কোন বিবেক এতে সায় দিতে পারে? আমি বুঝতে পারি না এটা কি রকম বুদ্ধিমত্তা, একদিকে খোদাকে সারা বিশ্বের খোদা বলে স্মীকার করা হচ্ছে আবার অন্যদিকে সেই মুখ দিয়ে এ কথাও বলা হচ্ছে তিনি সারা বিশ্বের প্রতিপালন কাজ থেকে হাত গুটিয়ে নিয়েছেন এবং কেবল একটি বিশেষ জাতি ও একটি বিশেষ দেশেই তাঁর কৃপাদৃষ্টি নিবন্ধ করেছেন। হে বিবেকবানেরা! তোমরা নিজেরাই বিচার কর, খোদার জড় প্রাকৃতিক বিধানে এর কোন সাক্ষ্য পাওয়া যায় কি? তাহলে তাঁর আধ্যাত্মিক বিধান কেন এমন পক্ষপাতিত্বের উপর প্রতিষ্ঠিত হবে?

বুদ্ধি-বিবেচনা প্রয়োগ করলে প্রত্যেক কাজের ভাল মন্দ এর ফল থেকেও জানা যেতে পারে। অতএব বিভিন্ন শ্রেণির কোটি কোটি মানুষ যে সকল সম্মানিত নবী ও রসূলের দাসত্ব ও আনুগত্যের শৃঙ্খলে বাঁধা আছে তাঁদেরকে গালি দেয়া ও অবমাননা করার ফল যে কী হতে পারে এবং অবশ্যে এর কি ভীষণ পরিণাম হবে তা বর্ণনা করার আমার কোন প্রয়োজন নেই। কেননা এমন কোন জাতি নেই যারা এমন পরিণামের কিছু না কিছু দেখে নি।

হে প্রিয় বন্ধুগণ! চিরকালের অভিজ্ঞতা ও বারবারের পরীক্ষা একথা প্রমাণ করে দিয়েছে, বিভিন্ন জাতির নবী ও রসূলগণকে অবমাননার সাথে স্মরণ করা ও তাঁদেরকে গালি দেয়া এমন এক বিষ, যা পরিণামে কেবল দেহকেই ধ্বংস করে না বরং আত্মকেও ধ্বংস করে মানুষের ইহকাল ও পরকালকে বিনষ্ট করে দেয়। সেই দেশ শান্তিতে জীবন-যাপন করতে পারে না যার অধিবাসীরা একে অন্যের ধর্মের পথ প্রদর্শকগণের দোষ খুঁজে বেড়ায় এবং তাঁদের সম্মানহানীর কাজে লিপ্ত থাকে। সেই সকল জাতিতে কখনো সত্যিকারের একতা আসতে পারে না, যাদের মধ্যে এক জাতি বা উভয় জাতি একে অন্যের নবী, ঝৰ্ষ এবং অবতারগণের নিদা ও দুর্নাম করতে থাকে। নিজেদের নবী বা ধর্ম নেতার অবমাননার কথা শুনে কার না উত্তেজনা আসে? বিশেষতঃ মুসলমানরা এমন এক জাতি, যদিও তারা নিজেদের নবীকে খোদা বা খোদার পুত্র বানায় নি, তথাপি তারা তাঁকে (সা.) ঐ সকল সম্মানিত মানুষ থেকে অধিক সম্মানিত মনে করে যাঁরা মাতৃগর্ভে জন্ম দেন। অতএব একজন খাঁটি মুসলমানের সাথে তার পরিত্র নবী সম্পর্কে আলোচনার সময় তাঁর জন্য সম্মানসূচক ও পরিত্র উত্তি ব্যবহার না করলে তার সাথে শান্তি স্থাপন করা কোন অবস্থাতেই সম্ভবপর হতে পারে না।

আমরা কখনো অন্য জাতির নবীগণের দুর্নাম করি না। এবং এটাই আমাদের ধর্ম-বিশ্বাস, পৃথিবীতে বিভিন্ন জাতিতে যত নবী এসেছেন এবং কোটি কোটি লোক তাঁদেরকে মেনে নিয়েছে এবং পৃথিবীর কোন অংশে তাঁদের ভালবাসা ও মাহাত্ম্য প্রতিষ্ঠিত হয়েছে এবং এ ভালবাসা ও বিশ্বাসের সুদীর্ঘকাল পার হয়ে গেছে, সেক্ষেত্রে এ একটি প্রয়াণই তাঁদের সত্যতার জন্য যথেষ্ট। কেননা যদি তাঁরা খোদার পক্ষ থেকে না হতেন তবে কোটি কোটি লোকের হৃদয়ে তাঁদের মর্যাদা প্রতিষ্ঠিত হতো না। খোদা তাঁর মনোনীত বান্দাগণের সম্মান কখনো অন্যকে দেন না। যদি কোন মিথ্যাবাদী তাঁদের আসনে বসতে চায় তাহলে শীত্রাই তাকে ধ্বংস ও বিনাশ করে দেয়া হয়।

এরই ভিত্তিতে আমরা বেদকেও খোদার পক্ষ থেকে অবতীর্ণ বলে বিশ্বাস করি এবং এর ঝৰিদেরকে সম্মানিত ও পরিত্র মনে করি যদিও আমরা দেখতে পাই, বেদের শিক্ষা কোন সম্প্রদায়কেই পূর্ণরূপে খোদা-উপাসক করে গড়ে তুলতে পারে নি এবং না গড়ে তুলতে পারতো। এ দেশে যে সকল লোককে মূর্তি-উপাসক বা আঁঁশি-উপাসক বা সূর্য-উপাসক বা গঙ্গার পূজারি বা হাজার হাজার দেবতার পূজারি বা জৈন মতাবলম্বী বা শাক্ত মতাবলম্বীরূপে দেখতে

পাওয়া যায়, তারা সকলে নিজেদের ধর্মকে বেদের প্রতিই আরোপ করে। আর বেদ এমন একটি দুর্বোধ্য গ্রন্থ যে, এ সকল সম্প্রদায় এর মধ্য থেকেই নিজ নিজ মতলবের কথা বের করে নেয়। তথাপি খোদার শিক্ষা অনুসারে আমাদের পাকাপোক্ত বিশ্বাস হলো, বেদ খোদার নামে মানুষের বানানো গ্রন্থ নয়। কোটি কোটি মানুষকে নিজের দিকে আকর্ষণ করবার এবং স্থায়ী সম্প্রদায় প্রতিষ্ঠা করার ক্ষমতা মানুষের বানানো গ্রন্থের মধ্যে থাকে না। যদিও আমরা বেদে কোথাও পাথর পূজার কথা পড়ি নি কিন্তু নিঃসন্দেহে আগুন, বায়ু, জল, চাঁদ, সূর্য ইত্যাদির পূজার কথায় বেদ পূর্ণ রয়েছে এবং কোন শ্রতিতেই (শ্লোকেই) এদের পূজা নিষিদ্ধ নয়। এখন কে এর মীমাংসা করবে, হিন্দুদের সকল প্রাচীন সম্প্রদায়ের মতবাদ মিথ্যা এবং আর্যদের নতুন সম্প্রদায়ের মতবাদই সত্য? আর যে সকল লোক বেদের বরাত দিয়ে এ সকল বস্ত্র পূজা করে থাকে তাদের নিকট এ দৃঢ় প্রমাণ রয়েছে, এ সকল বস্ত্র পূজার কথা বেদে সুস্পষ্টভাবে উল্লেখ আছে এবং নিয়েধ কোথাও নেই। এ সকল বস্ত্র সবগুলোই যে পরমেশ্বরের নাম এমন বলা এক নিছক দাবি মাত্র। এখনো পরিষ্কারভাবে এর মীমাংসা হয় নি। মীমাংসাই যদি হতো তাহলে বারানসী এবং অন্যান্য শহরের বড় বড় পঞ্জিতদের পক্ষে আর্যদের ধর্ম-বিশ্বাস গ্রহণ না করার কোন কারণ দেখা যায় না। ত্রিশ পয়ত্রিশ বছরের চেষ্টা সত্ত্বেও হিন্দুদের অতি অল্প লোকই আর্য ধর্ম গ্রহণ করেছে। সনাতন ধর্ম ও অন্যান্য হিন্দু সম্প্রদায়ের তুলনায় আর্য সমাজীদের সংখা অতি নগন্য। অন্যান্য হিন্দু সম্প্রদায়ের উপর এদের ব্যাপক কোন প্রভাবও নেই। তদ্রূপ ‘নিয়োগ’ এর যে শিক্ষা বেদের প্রতি আরোপ করা হয় তা-ও এমন এক ব্যবস্থা যা মানুষের আত্মর্যাদাবোধ ও ভদ্রতার জ্ঞান কখনো গ্রহণ করতে পারে না। কিন্তু যেমন আমি এই মাত্র বলে আসলাম আমরা প্রকৃতপক্ষে একে বেদের শিক্ষা বলে স্বীকারই করতে পারি না বরং আমাদের শুভ ইচ্ছা আমাদেরকে একান্তই একথা বলতে বাধ্য করছে, এ সকল শিক্ষা কোন পার্থিব স্বার্থসিদ্ধির উদ্দেশ্যে পরবর্তীকালে বেদের প্রতি আরোপ করা হয়েছে। বেদের হাজার হাজার বছর অতিবাহিত হয়ে যাওয়ার দরং এটাও সম্ভব যে, বিভিন্ন যুগে বেদের কোন কোন ভাষ্যকার বিভিন্ন প্রকারের পরিবর্তন ও পরিবর্ধন করে থাকবে। অতএব আমাদের জন্য বেদের সত্যতার পক্ষে এই একটি প্রমাণই যথেষ্ট, আর্য্যবর্তের কোটি কোটি লোক হাজার হাজার বছর ধরে একে খোদার বাণী বলে বিশ্বাস করে আসছে। আর এ সকল কথাকে কোন মিথ্যাবাদীর প্রতি আরোপ করা সম্ভবপর নয়।

এ সকল বাধা-বিঘ্ন থাকা সত্ত্বেও আমরা খোদাকে ভয় করে বেদকে খোদার বাণী বলে বিশ্বাস করি এবং এর শিক্ষায় যে সকল ভাস্তি রয়েছে সেগুলোকে ভাষ্যকারদের ভাস্তি বলে মনে করি। পক্ষান্তরে কুরআন শরীফ শুরু থেকে শেষ পর্যন্ত আল্লাহর একত্বাদে পূর্ণ। এর কোন জায়গায় সূর্য, চন্দ্র প্রভৃতির পূজা করার শিক্ষা নেই। বরং সুস্পষ্ট ভাষায় বলা হয়েছে, ‘লা তাসজুদু লিশ্শামসি ওয়া লিল্ কামার ওয়াসজুদু লিল্লাহিল্লায়ী খালাকা হুন্না’ (সূরা হা-মীম আস্ সিজদা)। অর্থাৎ সুরের পূজা করো না, চন্দ্রেরও পূজা করো না এবং অন্য কোন বস্তুর পূজা করো না বরং তাঁরই পূজা কর যিনি ওগুলোকে সৃষ্টি করেছেন। এছাড়া কুরআন শরীকে খোদার প্রাচীন নির্দর্শনাবলী ও তাজা নির্দর্শনাবলী রয়েছে এবং এটা খোদার অস্তিত্ব দেখানোর জন্য এক আয়না বিশেষ। এতদসত্ত্বেও এর উপর (অর্থাৎ কুরআন শরীকের উপর- অনুবাদক) কেন ইতর হামলা করা হচ্ছে? এর ফল ভাল হবে বলে কী আশা করা যায়? কোন ব্যক্তি ফল দিলে তার উপর পাথর ছোঁড়া এবং কোন ব্যক্তি দুধ দিলে তার গায়ে প্রস্তাব করে দেয়া কি সম্ভবহার?

যদি এ ধরনের শাস্তি স্থাপনের জন্য হিন্দু ও আর্যসমাজী মহাশয়গণ আমাদের নবী (সা.)-কে খোদার সত্য নবী বলে মেনে নিতে প্রস্তুত হন এবং ভবিষ্যতে তাঁর অবমাননা করা ও তাঁকে মিথ্যাবাদী আখ্যায়িত করা পরিহার করেন তাহলে আমি সকলের পূর্বে এ অঙ্গীকারপত্রে দস্তখত করতে প্রস্তুত আছি, আমরা আহমদী সম্প্রদায়ের লোকেরা সর্বদা বেদের সত্যতা স্বীকার করবো এবং সম্মান ও ভালবাসার সাথে বেদ ও এর ধর্মদের নাম নেব। আর যদি এমন না করি তবে হিন্দু মহাশয়দের নিকট এ রকম এক বড় অঙ্গের অর্থদণ্ড আদায় করবো, যা তিন লক্ষ টাকার কম হবে না। হিন্দু মহাশয়গণ যদি আভারিকতার সাথে পরিষ্কার মন নিয়ে এমন মিলনের জন্য প্রস্তুত হন, তবে তাঁরাও এমন অঙ্গীকারপত্র লিখে তাতে দস্তখত করে দিন। এর (অর্থাৎ অঙ্গীকারপত্রের-অনুবাদক) বক্তব্যও এ হবে যে, তাঁরা হ্যারত মুহাম্মদ মুস্তফা (সা.)-এর রিসালাত ও নবুওয়াতে বিশ্বাস করেন এবং তাঁকে (সা.) সত্য নবী ও রসূল মনে করেন এবং ভবিষ্যতে তাঁর নাম শ্রদ্ধা ও সম্মানের সাথে উল্লেখ করবেন যেভাবে এক মান্যকারীর করা উচিত। আর যদি তারা এমন না করেন তবে এক বড় অঙ্গের অর্থ দণ্ড আহমদী সম্প্রদায়ের নেতার নিকট আদায় করে দিবেন যা তিন লক্ষ টাকার কম হবে না।

প্রকাশ থাকে যে, আমাদের আহমদী জামাতের লোক সংখ্যা এখন চার লক্ষের কম নয় (এ তথ্য ১৪ বছর পূর্বেকার। বর্তমানে আহমদীয়া জামা'তের লোক সংখ্যা প্রায় ১৯ কোটি-অনুবাদক)। তাই এমন বড় কাজের জন্য তিন লক্ষ টাকার চাঁদা কোন বড় ব্যাপার নয়। যে সকল লোক (অর্থাৎ অ-আহমদী মুসলমান-অনুবাদক)। এখনো আমাদের জামাতের বাইরে রয়েছে তারা সকলে প্রকৃতপক্ষে বিক্ষিপ্ত প্রকৃতি ও ধারণার বশবত্তী। তারা এমন কোন নেতার অধীনে নয় যার আনুগত্য করতে তারা বাধ্য। এজন্য আমি তাদের সম্পর্কে কিছুই বলতে পারি না। এখনতো তারা আমাকেই কাফের ও দাজ্জাল সাব্যস্ত করছে। কিন্তু আমি আশা করি যখন হিন্দু মহাশয়গণ আমার সাথে এমন চুক্তি করবেন তখন এ সকল লোকও কখনো এমন অশোভন কর্মকাণ্ড করবে না যাতে এমন সভ্য জাতির ধর্মগ্রহণ ও খৰিদেরকে মন্দ বলে তারা মহানবী (সা.)-কে গালি খাওয়াবে। এমন গালমন্দের অপরাধ তো প্রকৃতপক্ষে ঐ লোকদের প্রতিই আরোপ করা হবে, যারা এ কর্মকাণ্ডের হোতা হবে। এমন কাজ যেহেতু শালীনতা ও ভদ্রতা বিরোধী, এ জন্য আমি আশা করি না এ চুক্তিপত্রের পর ঐ সকল লোক তাদের মুখ খুলবে। কিন্তু চুক্তিপত্রকে পাকা করার জন্য উভয় পক্ষের দশ হাজার করে জ্ঞানি লোকের দ্রষ্টব্য নেয়া জরুরী হবে।

প্রিয় বন্ধুগণ! শান্তির মত আর কিছুই নেই। চলুন, আমরা এ চুক্তিপত্রে মাধ্যমে এক হয়ে যাই ও এক জাতিতে পরিণত হই। আপনারা দেখেছেন পরম্পরারের প্রতি মিথ্যারূপ করার দরশন কত বিভেদের সৃষ্টি হয়েছে এবং দেশের কত ক্ষতি হয়েছে। আসুন, এখন এটাও পরীক্ষা করে দেখুন, পরম্পরারে সত্যতা স্বীকার করে নেয়ার মাঝে কত কল্যাণ নিহিত আছে। শান্তি স্থাপনের সবচেয়ে উত্তম উপায় এটাই। নতুবা অন্য কোন উপায়ে শান্তি স্থাপন এমনটি হবে, যেমন একটি ফোঁড়াকে পরিষ্কার ও চকচকে দেখে এ অবস্থাতেই সেটাকে ছেড়ে দিয়ে তার বাহ্যিক চাকচিক্যে সন্তুষ্ট হয়ে যাওয়া। অথচ এর ভিতরে রয়েছে গলিত ও দুর্গন্ধিযুক্ত পুঁজ।

এখানে আমার পক্ষে এ সব কথা বলার কোন প্রয়োজন নেই। আজকাল হিন্দু-মুসলমানের মধ্যে যে বিদেষ ও বিবাদ বেড়ে যাচ্ছে, তার কারণ কেবল ধর্মীয় মত পার্থক্যে সীমিত নয় বরং অন্যান্য কারণও রয়েছে যা জাগতিক আশা-আকাঞ্চা ও বিষয়াদির সাথে সম্পৃক্ত। উদাহরণস্বরূপ বলা যেতে পারে, প্রথম থেকেই হিন্দুগণ এ কামনা করে আসছেন যেন সরকার ও দেশের কাজে

তাদের অধিকার থাকে বা অস্তিতপক্ষে দেশের শাসন কাজে তাদের মতামত নেয়া হয়, তাদের প্রত্যেকটি অভিযোগ যেন সরকার মন দিয়ে শোনে এবং ইংরেজদের ন্যায় তারা যেন সরকারের বড় বড় পদ পায়। মুসলমানরা এ ভুল করেছিল, তারা হিন্দুদের এ প্রচেষ্টায় অংশ নেয় নি। তারা মনে করেছিল, আমরা সংখ্যায় কম এবং ভেবেছিল প্রচেষ্টার কোন ফল যদিও হয় তবে তা হিন্দুদের জন্যই হবে, মুসলমানদের জন্য নয়। এজন্য তারা কেবল অংশ গ্রহণ থেকেই বিরত থাকে নি বরং বিরোধিতা করে হিন্দুদের প্রচেষ্টায় বাধা হয়ে দাঁড়িয়েছিল। এতে মনোমালিন্য এবং অসন্তোষও বেড়ে গেল।

আমি স্বীকার করি এ কারণগুলোর দরঘনও মূল শক্রতায় রং চড়ানো হয়েছে। কিন্তু আমি কখনো স্বীকার করি না এগুলোই মূল কারণ। আমি এই সকল লোকের সাথে একমত নই যারা বলে হিন্দু ও মুসলমানের মধ্যকার শক্রতা ও বিদ্বেষের কারণ ধর্মীয় বাগড়া নয় বরং আসল বাগড়ার মূল কারণ রাজনৈতিক।

এ কথা প্রত্যেকেই সহজে বুঝতে পারে, মুসলমানেরা নিজেদের ন্যায়সঙ্গত অধিকার দাবির ক্ষেত্রে হিন্দুদের সহযোগী হতে কেন ভয় পায় এবং কেন আজ পর্যন্ত তারা কংগ্রেসে যোগদান করা থেকে অস্বীকার করে আসছে এবং কেন অবশেষে হিন্দুদের দাবির যথার্থতা উপলক্ষ্মি করে তাদের অনুসরণ করছে, কিন্তু তা তারা করেছে পৃথক হয়ে এবং তাদের (অর্থাৎ হিন্দুদের-অনুবাদক) প্রতিদ্বন্দ্বী হয়ে একটি মুসলমান সংগঠন প্রতিষ্ঠিত করেছে এবং তাদের অংশীদারীত্ব গ্রহণ করে নি।

মহাশয়গণ! এর কারণ প্রকৃতপক্ষে ধর্মই। এছাড়া অন্য কিছু নয়। আজ যদি এ হিন্দুরাই ‘লা ইলাহা ইল্লাহু মুহাম্মাদুর রসূলুল্লাহ’ কলেমা পড়ে মুসলমানদের সাথে কোলাকুলিতে আবদ্ধ হয়, অথবা মুসলমানরাই হিন্দু হয়ে বেদের আদেশ অনুযায়ী আগুন, বাতাস, ইত্যাদির পূজা করতে আরম্ভ করে এবং ইসলামকে বিদায় জানায় তাহলে যে সকল বাগড়ার নাম এখন রাজনৈতিক বাগড়া রাখা হয়েছে তা তৎক্ষণাত্ম এভাবে শেষ হয়ে যাবে যেন তা কখনো ছিল না।

অতএব এথেকে বুঝা যায়, সকল হিংসা-বিদ্বেষের মূল প্রকৃতপক্ষে ধর্মীয় মতভেদ। প্রাচীনকাল থেকেই যখন এ ধর্মীয় মতভেদ চরমে উঠতে থাকে তখনই রঞ্জের নদী বইতে থাকে। হে মুসলমানেরা! যখন হিন্দুরা ধর্মীয় মতভেদের দরঘন তোমাদেরকে ভিন্ন জাতি বলে মনে করে, তখন এর কারণ যতক্ষণ দূর না হবে তোমাদের ও তাদের মাঝে কেমন করে সত্যিকারের

সৌহার্দ্য সৃষ্টি হতে পারে? হ্যাঁ, এটা সম্ভব, কপটভাবে কয়েকদিনের জন্য পরম্পরার মেলামেশাও হতেও পারে। কিন্তু প্রকৃতপক্ষে যাকে আন্তরিকতা বলা যেতে পারে সে রকম আন্তরিকতা কেবলমাত্র তখন সৃষ্টি হতে পারে যখন আপনারা বেদ ও বেদের খ্যাদেরকে সরল অন্তর্করণে খোদার পক্ষ থেকে এসেছে বলে স্বীকার করে নিবেন আর অন্তর্গত হিন্দুরাও যখন তাদের কার্পণ্য দূর করে আমাদের নবী (সা.)-এর নবুওয়াতকে সত্য বলে স্বীকার করে নিবেন। স্মরণ রেখো এবং খুব ভাল করে স্মরণ রেখো! তোমাদের ও হিন্দুদের মাঝে সত্যিকারের শান্তি স্থাপনের একমাত্র উপায় এটাই এবং এটাই এমন এক পানি যা হৃদয়ের ময়লা ধুয়ে দেবে। যদি সেদিন আসে যেদিন এ দুঁটি বিছিন্ন জাতি একে অন্যের সাথে মিলে যাবে তবে খোদা তাদের হৃদয়কেও সেই বিষয়ের জন্য খুলে দিবেন, যে বিষয়ের জন্য আমার হৃদয়কে তিনি খুলে দিয়েছেন।

কিন্তু এর সাথে হিন্দুদের প্রতি সত্যিকারের সহানুভূতি দেখানো আবশ্যিক। সম্বুদ্ধার ও শিষ্ঠাচারের অভ্যাস কর। আর যে সকল কাজ আমাদের ধর্মে অবশ্য পালনীয় কর্তব্য নয় ও নিতান্ত প্রয়োজনীয় নয় অথচ তা হিন্দুদের মনে দৃঢ় দেয় এ রকম কাজ থেকে নিজেদেরকে বিরত রাখ। অতএব হিন্দুরা যদি আন্তরিকতার সাথে আমাদের নবী (সা.)-কে সত্য নবী বলে মনে নেয় ও তাঁর প্রতি বিশ্বাস স্থাপন করে তাহলে ‘গো-হত্যার’ জন্য যে বিবাদ সৃষ্টি হয়েছে তা-ও দূর করা উচিত। যে সকল বস্তুকে আমরা ‘হালাল’ (বৈধ) বলে জানি তা ব্যবহার করতেই হবে এমনটি জরুরী নয়। এমন অনেক বস্তুই আছে যাকে আমরা ‘হালাল’ বলে জানি কিন্তু আমরা কখনো তা ব্যবহার করি নি। খোদাকে এক ও অদ্বিতীয় মনে করা যেমন আমাদের ধর্মের আদেশ, তেমনি তাদের (অর্থাৎ হিন্দুদের) সাথে ভদ্র ও ভাল ব্যবহার করাও আমাদের ধর্মের অন্যতম আদেশ। অতএব একটা প্রয়োজনীয় ও হিতকর কাজের জন্য অপ্রয়োজনীয় কাজ ছেড়ে দেয়া ধর্ম ব্যবস্থার বিরোধী নয়। ‘হালাল’ মনে করা এক কথা এবং তা ব্যবহার করা অন্য কথা। ধর্ম হচ্ছে খোদার নিষিদ্ধ বস্তু থেকে বিরত থাকা, তাঁর সন্তুষ্টির পথে দৌড়ানো, তাঁর সকল সৃষ্টি জীবের হিত ও কল্যাণ সাধন করা, তাদের প্রতি সহানুভূতি দেখানো, পৃথিবীর সকল পরিব্রত নবী ও রসূলকে তাঁদের নিজ নিজ সময়ে খোদার পক্ষ থেকে আগত নবী ও সংক্ষারক বলে স্বীকার করা, তাদের মধ্যে তারতম্য না করা এবং মানব জাতির

সেবা করা। এটাই আমাদের ধর্মের সারমর্ম। কিন্তু যারা খোদাকে ভয় না করে অন্যায়ভাবে আমাদের সম্মানিত নবী হযরত মুহাম্মদ (সা.)-কে মন্দ ভাষায় উল্লেখ করে, তাঁর প্রতি অপবিত্র অপবাদ লাগায় এবং অশ্লীল ভাষা প্রয়োগ করা থেকে বিরত হয় না, তাদের সাথে আমরা কীভাবে সক্ষি করতে পারি? আমি সত্য সত্য বলছি, আমরা মরণভূমির সাপ ও জঙ্গলের বাঘের সাথে সক্ষি করতে পারি কিন্তু আমরা তাদের সাথে সক্ষি করতে পারি না যারা আমাদের সেই প্রিয় নবীকে অন্যায়ভাবে আক্রমণ করে যিনি আমাদের প্রাণ ও মা-বাবার চেয়েও বেশি প্রিয়। খোদা আমাদেরকে ইসলামে মৃত্যু দিন। আমরা এমন কাজ করতে চাই না যাতে ঈমান চলে যায়।

এখন আমি কোন জাতির প্রতি অথবা দোষারোপ করতে চাই না এবং কারো মনে কষ্ট দিতেও চাই না। বরং খুবই আক্ষেপের সাথে আমাকে বলতে হচ্ছে, ইসলাম সেই পবিত্র ও শান্তি স্থাপনকারী ধর্ম যা কোন জাতির ধর্মীয় নেতার উপর আক্রমণ করে নি এবং কুরআন সেই সম্মানযোগ্য গ্রন্থ যা সব জাতির মাঝে শান্তির ভিত্তি স্থাপন করেছে এবং প্রত্যেক জাতির নবীকে স্বীকার করেছে আর সারা বিশ্বে এ বিশেষ গৌরব কুরআন শরীফেরই প্রাপ্য যা জগত সমক্ষে আমাদেরকে এ শিক্ষা দিয়েছে, ‘লা নুফারিকু বাইনা আহাদিম মিনহুম ওয়া নাহনু লাহু মুসলিমুন’ অর্থাৎ হে মুসলমানেরা! তোমরা বল আমরা পৃথিবীর সব নবীকেই বিশ্বাস করি এবং তাঁদের মধ্যে এ পার্থক্য করি না যে, কাউকে কাউকে স্বীকার করি ও কাউকে কাউকে প্রত্যাখ্যান করি। যদি এমন শান্তিকামী আর কোন ঐশ্বী গ্রহ থেকে থাকে তবে তার নাম বল। কুরআন শরীফ খোদার সাধারণ অনুগ্রহকে বিশেষ কোন বৎশে সীমাবদ্ধ করে নি। ইসরাইল বংশীয় যত নবীই ছিলেন- ইয়াকুব (আ.) বল, ইসহাকই (আ.) বল, মসীহ (আ.) বল, দাউদই (আ.) বল আর ঈসাই (আ.) বল, সকলের নবুওয়তকেই কুরআন শরীফ স্বীকার করে নিয়েছে আর প্রত্যেক জাতির নবীকে, তিনি ভারতবর্ষেই গত হয়ে থাকুন বা পারস্যেই, কাউকে প্রতারক ও মিথ্যাবাদী বলে নি বরং সুস্পষ্টভাবে বলে দিয়েছে যে, প্রত্যেক জাতিতে ও দেশে নবী এসেছেন এবং সকল জাতির জন্য শান্তির ভিত্তি স্থাপন করেছে। কিন্তু দুঃখের বিষয় এ শান্তির শিক্ষাদাতা নবীকে প্রত্যেক জাতি গালি দেয় এবং ঘৃণার চোখে দেখে।

হে প্রিয় স্বদেশবাসীগণ! আমি আপনাদেরকে দুঃখ বা মনে কষ্ট দেবার জন্য এ কথাগুলো আপনাদের নিকট বর্ণনা করি নি বরং নিতান্ত সৎ উদ্দেশ্যে এ

নিবেদন করতে চাই, যে সকল জাতি এ অভ্যাস গড়ে নিয়েছে এবং নিজেদের ধর্মে এ অন্যায় পত্তা অবলম্বন করেছে যে, তারা অন্য জাতির নবীগণকে কুবাক্য ও দুর্নামের সাথে উল্লেখ করে থাকে, তারা যে কেবল প্রমাণহীন অন্যায় চর্চা করে খোদার কাছে পাপী হচ্ছে তা নয় বরং তারা মানবজাতির মাঝে বিদ্রোহ ও শক্রতার বীজ বপন করার পাপেও পাপী হয়েছে। আপনারা বুকে হাত রেখে আমার এ কথার উত্তর দিন, যদি কোন ব্যক্তি কারো বাপকে গালি দেয় বা তার মাঝের প্রতি কোন অপবাদ লাগায়, তবে সে কি নিজ বাপের সম্মানের ওপর আক্রমণ করে না? আর যাকে এমন গালি দেয়া হয়েছে, সে যদি উত্তরে তদ্রূপ গালি শুনিয়ে দেয় তবে কি এ কথা বলা অন্যায় হবে, প্রত্যুত্তরে গালি দেয়ার অকৃত কারণ সে ব্যক্তিই, যে প্রথম গালি দিয়েছিল এবং এ অবস্থায় সে নিজেই নিজের বাপ ও মাঝের সম্মানের শক্র হবে।

খোদা তা'লা আমাদেরকে কুরআন শরীফে এত বেশি শিষ্টাচার ও সুনীতি শিখিয়েছেন যে, তিনি বলেন: ‘লা তাসুব্বুলায়ীনা ইয়াদউনা মিন দুনিল্লাহে ফা ইয়াসুব্বুল্লাহা আদওয়ান বিগায়ির ইলমিন’ (সূরা আল আনআম: ১০৯), অর্থাৎ তোমরা মূর্তি উপাসকদের মূর্তিগুলোকেও গালি দিও না। তাহলে তারা তোমাদের খোদাকে গালি দিবে। কেননা তারা এ খোদাকে জানে না। এখন দেখ! খোদার শিক্ষার আলোকে মূর্তি কোন বস্তুই নয় তথাপি খোদা মুসলমানদেরকে এ নীতি শিখাচ্ছেন যে, মূর্তিকে মন্দ বলা থেকেও বিরত থাক এবং বিনয়ের সাথে তাদেরকে বুঝাও পাছে এমন না হয় যে, তারা ক্ষেপে গিয়ে খোদাকে গালি দিয়ে বসে এবং এ সকল গালির কারণ তোমরা না হয়ে পড়। অতএব এ সকল লোকের অবস্থা কতই শোচনীয় যারা ইসলামের এ মহামান্বিত নবীকে গালি দেয়, অবমাননাকর ভাষায় তাঁকে উল্লেখ করে এবং ইতর পশ্চসুলভ পত্তায় তাঁর সম্মান ও চরিত্রের উপর আক্রমণ করে। যে সম্মানিত নবীর নাম উল্লেখ করা হলে ইসলামের বড় বড় ক্ষমতাধর বাদশাহগণও সিংহাসন থেকে নেমে পড়েন এবং আদেশের সামনে মাথা নত করে দেন ও নিজেদেরকে তাঁর নগণ্য দাসদের অঙ্গর্গত মনে করেন, তাঁর এ সম্মান খোদার পক্ষ থেকে নয় কি? খোদার দেয়া সম্মানের প্রতি অবজ্ঞা প্রকাশ করা সেই সকল লোকের কাজ যারা খোদার সাথে যুদ্ধ করতে চায়। হ্যরত মুহাম্মদ মুস্তফা (সা.) খোদার সেই মনোনীত রসূল যাঁর সাহায্য ও সম্মান প্রকাশের জন্য খোদা জগদ্বাসীকে বড় বড় নির্দেশন দেখিয়েছেন। এটা কি খোদার হাতের কাজ নয়, যাতে ২০ (বিশ) কোটি (বর্তমানে ১২০ কোটি-

অনুবাদক) মানুষের মস্তককে মুহাম্মদ (সা.)-এর দরগায় নত করে রাখা হয়েছে? যদিও প্রত্যেক নবী তার নবুওয়তের সত্যতার কিছু প্রমাণ রাখতেন কিন্তু যে পরিমাণ প্রমাণ মহানবী (সা.)-এর সম্বন্ধে রয়েছে এবং আজ পর্যন্ত প্রকাশিত হচ্ছে এর দৃষ্টান্ত কোন নবীর মধ্যে দেখতে পাওয়া যায় না।

আপনারা এ যুক্তিটি বুবতে পারবেন না, যখন পৃথিবী পাপে কল্পিত হয়ে পড়ে এবং খোদার দাঢ়িপাল্লায় পাপ কাজ, কদাচার ও দুঃসাহসিকতা পুণ্য কাজের চেয়ে অনেক বেশি বেড়ে যায় তখন কোন দাসকে পাঠিয়ে পৃথিবীর দুর্কর্ম-বিশ্ঞুখলার সংশোধন করতে খোদার অনুগ্রহ উদ্বেলিত হয়ে ওঠে। রোগ হলে চিকিৎসকের প্রয়োজন হয়। আর এ কথা বুবার যোগ্যতা সবচেয়ে বেশি আপনাদের রয়েছে কেননা আপনারা বলে থাকেন বেদ এমন সময়ে আসে নি যখন পাপের বাড় বইছিল বরং এমন সময়ে এসেছিল যখন পৃথিবীতে পাপের বন্যা ছিল না। অতএব যখন প্রত্যেক দেশে পাপের প্রবল বন্যা দ্রুত গতিতে চলছে তখন কোন নবীর আগমন কি আপনাদের দৃষ্টিতে যুক্তিসঙ্গত নয়?

আমি আশা করি না যে, আপনারা এ ঐতিহাসিক ঘটনা জানেন না। আমাদের রসূলুল্লাহ (সা.) যখন রিসালাতের মসনদকে তাঁর সন্তা দ্বারা সম্মানিত করলেন তখন এই যুগ এমন একটি অন্ধকার যুগ ছিল যে, পৃথিবীর সকল দেশই কদাচার ও কুবিশ্বাসে লিপ্ত ছিল। পণ্ডিত দয়ানন্দ মহাশয় তার রচিত ‘সত্যার্থ প্রকাশ’ পুস্তকে লিখেছেন, তখন এ দেশ আর্য্যাবর্তেও খোদার উপাসনার স্থান মৃত্তি উপাসনা দখল করে নিয়েছিল এবং বৈদিক ধর্ম অনেক বিকৃত হয়ে পড়েছিল।

তদন্ত ‘মিয়ানুল হক’ পুস্তকের লেখক খৃষ্ট ধর্মের একজন কঠোর সমর্থক ইংরেজ পাদ্রী ফঙ্গেল তার এ পুস্তকে লেখেন, মহানবী (সা.)-এর যুগে সব জাতির মধ্যে সবচেয়ে বেশি বিকৃত হয়েছিল খৃষ্টান জাতি এবং তাদের দুর্কর্ম খৃষ্ট ধর্মের জন্য লজ্জার কারণ হয়েছিল। আর স্বয়ং কুরআন শরীফও নিজের অবতীর্ণ হওয়ার প্রয়োজন ‘যাহারাল ফাসাদু ফিল বার্রি ওয়াল বাহরি’ (সূরা আর রূম: ৪২) আয়াতে বর্ণনা করেছে। অর্থাৎ ‘জল ও স্থল অনাচারে ছেয়ে গেছে’। এ আয়াতের মর্ম হচ্ছে, কোন জাতি অসভ্যই হোক বা সভ্যতার দাবি করুক, কেউ দুর্কর্মমুক্ত ছিল না।

এ সকল সাক্ষ্য দ্বারাও প্রমাণিত হয়, মহানবী (সা.)-এর যুগের লোকেরা, তারা প্রাচ্যের হোক আর পাশ্চাত্যের হোক, তারা আর্য্যাবর্তের হোক আর আরবের

মরংভূমির অধিবাসী হোক বা তারা দীপপুঞ্জেই বসবাস করুক সকলেই বিকৃত হয়ে গিয়েছিল। এমন একজনও ছিল না যার সাথে খোদার সম্পর্ক সঠিক ছিল। দুর্কর্ম পৃথিবীকে অপবিত্র করে দিয়েছিল। এমন অন্ধকার যুগেই কোন মহিমান্বিত নবীর আগমন আবশ্যক ছিল— একথা বুঝা কি কোন বুদ্ধিমান ব্যক্তির জন্য কঠিন?

এখন প্রশ্ন এটি থেকে যায়, এ নবী পৃথিবীতে এসে কি সংশোধন করেছেন? মহানবী (সা.)-এর সম্বন্ধে একজন মুসলমান এ প্রশ্নের উত্তর যেন্নপে দিতে পারে আমি জোর দিয়ে বলতে পারি কোন খৃষ্টান, ইহুদী বা কোন আর্য সমাজী তেমন পরিষ্কার ও যুক্তিপূর্ণ উত্তর দিতে পারে না।

মহানবী (সা.)-এর প্রথম উদ্দেশ্য ছিল আরবদের সংক্ষার করা। আরব জাতির অবস্থা সেই যুগে এমন ছিল যে, তাদেরকে মানুষ বলাই কঠিন ছিল। এমন কোন পাপ ছিল না যা তারা করতো না। এমন কোন পাপ ছিল না যা তাদের মাঝে প্রচলিত ছিল না। চুরি-ডাকাতি করা ছিল তাদের কাজ। যেভাবে পিংপড়াকে পায়ের নাচে পিঘে ফেলা হয় সেভাবে মানুষকে হত্যা করা ছিল তাদের নিকট এক মামুলি কাজ। শিশুদেরকে হত্যা করে তারা তাদের ধনসম্পদ গ্রাস করে ফেলতো। মেয়েদের জীবন্ত কবরে পুঁতে ফেলা হতো। ব্যাভিচার করে তারা গর্ব করতো। শুধু কি তাই? এ সকল নোংরা কথা তাদের কবিতায় প্রকাশ করতো। মদ পান এ জাতিতে এত ব্যাপক ছিল যে, কোন ঘরই মদশূন্য ছিল না। জুয়া খেলায় তারা সব দেশকে ছাড়িয়ে গিয়েছিল। সকল ধরনের ইতরতায় তারা হিংস্র বন্য জন্মদেরকেও হার মানিয়েছিল।

অতঃপর যখন আমাদের নবী (সা.) তাদের সংক্ষারের জন্য উঠে দাঁড়ালেন এবং তাঁর অভ্যন্তরীণ মনোনিবেশের দ্বারা তাদের হৃদয়কে শুন্দ করতে চাইলেন তখন অল্প কিছু দিনেই তাদের মাঝে এমন পরিবর্তন সৃষ্টি হয়ে গেল যে, তারা পশ্চ থেকে মানুষ হয়ে গেল, অতঃপর মানুষ থেকে সভ্য মানুষ ও সভ্য মানুষ থেকে খোদাওয়ালা মানুষে পরিণত হলো। অবশ্যে তারা খোদা তাঁলার ভালবাসায় এমন মোহিত হয়ে গেল যে, তারা এক অনুভূতিহীন অঙ্গের ন্যায় সকল প্রকার দুঃখ সহ্য করলো। তাদেরকে সকল প্রকার দুঃখ-কষ্ট দিয়ে নির্যাতিত করা হলো। ভয়ানক নির্মমভাবে তাদেরকে বেত দিয়ে মারা হলো। তাদেরকে ক্ষুধার্ত পিপাসার্ত রেখে হত্যা করা হলো। কিন্তু তারা সব ধরনের

বিপদের সময় সামনে এগিয়ে গেল। তাদের মাঝে এমন অনেক ছিল, যাদের সন্তানদের সামনে তাদেরকে শূলবিদ্ধ করে হত্যা করা হলো। যে বিশ্বস্ততার সাথে তারা খোদার পথে প্রাণ দিয়েছিল তা চিন্তা করলেও কান্না আসে। যদি তাদের হন্দয়ে খোদার প্রভাব ও তাঁর নবীর মনোনিবেশের ক্রিয়া না থাকতো তবে তা কোন্ বস্ত ছিল যা তাদেরকে ইসলামের দিকে টেনে এনেছিল এবং এক অসাধারণ পরিবর্তন সৃষ্টি করে তাদেরকে এমন ব্যক্তির আস্তানায় লুটিয়ে পড়তে উদ্বৃদ্ধ করেছিল যিনি অসহায়, দরিদ্র ও সহায় সম্বলহীন অবস্থায় মক্কার অলিতে গলিতে নির্জনে একলা ঘুরে বেড়াতেন? অবশ্যই কোন আধ্যাত্মিক শক্তি তাদেরকে অধঃপতিত অবস্থা থেকে উঠিয়ে উর্ধ্বে নিয়ে গিয়েছিল। আরো আশ্চর্যের বিষয় হলো, তাদের অধিকাংশই অস্বীকারকারী অবস্থায় মহানবী (সা.)-এর প্রাণের দুশ্মন ও রক্তের পিপাসু ছিল। অতএব আমি-তো এর চেয়ে বড় কোন অলৌকিক নির্দশন বুবি না, কীভাবে একজন গরীব, নিঃস্ব, একক ও অসহায় ব্যক্তি তাদের হন্দয়কে সকল প্রকার হিংসা-বিবেষ থেকে পবিত্র করে নিজের দিকে টেনে আনলেন, এমনকি তারা তাদের আভিজাত্য ছুঁড়ে ফেলে দিয়ে ভিক্ষুকের বেশে তাঁর সেবায় হাজির হয়ে গেল।

কোন কোন নির্বোধ ইসলামের বিরুদ্ধে জিহাদের অপবাদ আরোপ করে এবং বলে, এ সকল লোককে তলোয়ার দ্বারা জবরদস্তি মুসলমান করা হয়েছিল। আক্ষেপ! হাজার আক্ষেপ! এরা অবিচারে ও সত্য গোপনে তাদের সীমা ছাড়িয়ে গেছে। আক্ষেপ! এদের কী হয়েছে, এরা জেনেশনে সত্য ঘটনা থেকে মুখ ফিরিয়ে নেয়। আমাদের নবী (সা.) আরব দেশে রাজা হিসাবে প্রকাশিত হন নি যে, তাঁর মধ্যে রাজকীয় প্রতাপ ও পরাক্রম থাকার দরুণ লোকেরা জীবন বাঁচানোর জন্য তাঁর পতাকাতলে এসে গিয়েছিল বলে মনে করা যেতে পারে।

অতএব প্রশ্ন হলো, তিনি তাঁর দারিদ্র, অভাব-অন্টন ও একাকীত্বের অবস্থায় খোদার একত্র ও নিজের নবুওয়ত সম্পর্কে যখন আহ্বান জানাতে শুরু করেছিলেন তখন কোন্ তলোয়ারের ভয়ে লোকেরা তাঁর প্রতি ঈমান এনেছিল? আর যদি তারা ঈমান না নিয়ে থাকতো তবে তিনি তাদের উপর বল প্রয়োগের জন্য কোন্ রাজার নিকট থেকে সেনাবাহিনী চেয়েছিল ও সাহায্য প্রার্থনা করেছিলেন? হে সত্যান্বেষীরা! তোমরা নিশ্চিতরূপে জেনো, এ সকল কথা সেই সকল লোকের বানানো কথা যারা ইসলামের কঠোর দুশ্মন। ইতিহাস

দেখ, মহানবী (সা.) সেই অনাথ ছেলে যার জন্মের কয়েক দিন পরেই (অর্থাৎ তিনি মায়ের পেটে আসার পরপরই— অনুবাদক)। তাঁর পিতা মৃত্যবরণ করেন এবং মা কেবল কয়েক মাসের শিশুকে ছেড়ে মারা গিয়েছিলেন। তখন ঐ শিশু, যার সাথে খোদার হাত ছিল, সে কারো সাহায্য ছাড়া খোদার আশ্রয়ে লালিত-পালিত হতে থাকলো। এ অসহায় ও অনাথ অবস্থায় তিনি কোন কোন লোকের ছাগলও চরিয়েছিলেন। আর খোদা ছাড়া তাঁর কোন চাচা তাঁকে নিজের মেয়ে দেন নি, কারণ বাহ্য দৃষ্টিতে তাঁর পরিবার প্রতিপালনের কোন ক্ষমতা ছিল না। তাছাড়া তিনি ছিলেন সম্পূর্ণ নিরক্ষর এবং কোন শিল্প ও পেশা তিনি জানতেন না। অতঃপর যখন তাঁর বয়স ৪০ (চাল্লিশ) বছরে পৌঁছলো তখন তাঁর হৃদয় সম্পূর্ণরূপে খোদার দিকে আকৃষ্ট হয়ে পড়ল। হেরো নামে একটি পর্বত-গুহা মক্কা থেকে কয়েক মাইল দূরে অবস্থিত। তিনি একা একা সেখানে যেতেন, গুহার ভিতর লুকিয়ে পড়তেন এবং তাঁর খোদাকে স্মরণ করতেন। একদিন সেই গুহায় তিনি গোপনে উপাসনা করছিলেন তখন খোদা তা'লা তাঁর উপর প্রকাশিত হলেন। আর তাঁকে আদেশ জানালেন, ‘জগদ্বাসী খোদার পথ ছেড়ে দিয়েছে এবং পৃথিবী পাপে কলুষিত হয়ে পড়েছে। এখন তুমি লোকদের সতর্ক কর, তারা যেন আমার শান্তি আসার পূর্বে আমার দিকে ফিরে’। এ আদেশ শুনে তিনি ভয় পেলেন, আমি এক ‘উম্মী’ অর্থাৎ নিরক্ষর মানুষ। তিনি নিবেদন করলেন, ‘আমি পড়তে জানি না।’ তখন খোদা তাঁর বক্ষে সকল আধ্যাত্মিক জ্ঞান ভরে দিলেন এবং তাঁর হৃদয়কে আলোকিত করে দিলেন। তাঁর পরিত্বকরণ শক্তির প্রভাবে গরীব ও দুর্বল ব্যক্তিরা তাঁর আনুগত্যের আওতায় আসতে শুরু করে দিল। আর যারা বড় বড় ব্যক্তি ছিল তারা শক্ততায় বদ্ধপরিকর হলো। এমনকি অবশেষে তারা তাঁকে হত্যা করতে চাইলো। কয়েকজন পুরুষ ও কয়েকজন স্ত্রীলোককে খুবই কষ্ট দিয়ে হত্যা করা হলো। আর শেষ হামলা এভাবে করা হলো, মহানবী (সা.)-কে হত্যা করার জন্য তারা তাঁর ঘর ঘিরে ফেললো। কিন্তু যাকে খোদা বাঁচাবেন তাকে কে মারতে পারে? খোদা তাকে তাঁর ওহী (প্রত্যাদেশ বাণী) দ্বারা জানালেন, ‘এ শহর থেকে বেরিয়ে পড় এবং আমি তোমার প্রতি পদক্ষেপে তোমার সাথে থাকবো।’ অতএব তিনি আবু বকর (রা.)-কে সাথে নিয়ে মক্কা নগরী থেকে বেরিয়ে পড়লেন এবং তিনি রাত ‘সওর’ নামক গুহায় লুকিয়ে রইলেন। শক্রুরা তাঁদের পিছু ধাওয়া করলো এবং পদচিহ্ন বিশেষজ্ঞকে নিয়ে গুহা পর্যন্ত

পৌছলো। সে গুহা পর্যন্ত পায়ের চিহ্ন দেখিয়ে দিয়ে বললো, ‘এ গুহায় তালাশ কর। এরপর আর কোন চিহ্ন নেই। আর যদি এরপরও কোথাও গিয়ে থাকে তবে আকাশে উঠে থাকবে।’ কিন্তু কে খোদায়ী শক্তির বিস্ময়কর কার্যাবলীর কুল কিনারা করতে পারে? খোদা এক রাতেই নিজ মহিমা এভাবে প্রকাশ করলেন, মাকড়সা তার জাল বুনে গুহার মুখ বন্ধ করে দিল এবং কবুতরী গুহার মুখে বাসা বেধে ডিম পেড়ে বসলো। যখন পদচিহ্ন বিশেষজ্ঞ লোকদেরকে সেই গুহার ভিতরে যাওয়ার জন্য উৎসাহিত করছিল তখন এক বৃন্দ বললো, ‘এ পদচিহ্ন বিশেষজ্ঞ পাগল হয়ে গেছে। আমিতো এ জালকে গুহার মুখে সেই যুগ থেকে দেখে আসছি যখন মুহাম্মদ (সা.)-এর জন্মই হয় নি।’ এ কথা শুনে সকলে ছত্রভঙ্গ হয়ে গেল এবং গুহার প্রসঙ্গ ছেড়ে দিল।

অতঃপর মহানবী (সা.) গোপনে মদীনায় পৌছলেন এবং মদীনার অধিকাংশ লোক তাঁকে গ্রহণ করে নিল। এতে মক্কাবাসীদের ক্রোধ ঝলে উঠলো। তারা আক্ষেপ করলো, আমাদের শিকার আমাদের হাত ছাড়া হয়ে গেল। অতঃপর তারা দিন রাত এ স্বত্যন্ত্র করতে লাগলো কীভাবে মহানবী (সা.)-কে হত্যা করা যায়। যে অন্ন সংখ্যক লোক মক্কায় মহানবী (সা.)-এর প্রতি ঈমান এনেছিল, তারাও মক্কা থেকে হিজরত করে বিভিন্ন দেশে চলে গিয়েছিল। কেউ কেউ আবিসিনিয়ার রাজার আশ্রয় নিয়ে নিয়েছিল। আর কেউ কেউ মক্কাতেই থেকে যায়। কেননা সফরের জন্য তাদের নিকট পথ খরচ ছিল না। তাদেরকে অনেক কষ্ট দেয়া হলো। এরা কেমন করে দিন রাত ফরিয়াদ করতো তা কুরআন শরীফে বর্ণিত রয়েছে।

অতঃপর অস্বীকারকারী কুরাইশদের অত্যাচার সীমা ছাড়িয়ে গেল। তারা গরীব স্ত্রীলোকদেরকে ও অনাথ শিশুদেরকে হত্যা করতে আরম্ভ করলো। কোন কোন স্ত্রীলোককে এমন নির্মতাবে হত্যা করা হলো যে, তাদের দু'পা দড়ি দিয়ে দু'উটের সাথে বেঁধে সেই উট দু'টোকে বিপরীত দিকে দৌড়ানো হলো। আর এভাবে ঐ সকল স্ত্রীলোক দু'টুকরো হয়ে মরে গেল।

যখন নিষ্ঠুর কাফেরদের অত্যাচার এতদূর পর্যন্ত পৌছলো তখন সেই খোদা, যিনি অবশ্যে নিজ বান্দাদের প্রতি করণা করেন, তিনি নিজ রসূলের প্রতি ওই অবতীর্ণ করলেন, ‘অত্যাচারিতদের ফরিয়াদ আমার নিকট পৌছে গেছে। আজ আমি অনুমতি দিচ্ছি তোমরাও তাদের মোকাবিলা কর। আর স্মরণ রেখো, যারা নিরপরাধ লোকদের উপর তলোয়ার উঠায় তাদেরকে তলোয়ার

দিয়েই ধূংস করা হবে। কিন্তু তোমরা সীমালংঘন করো না। কেননা খোদা সীমালংঘনকারীকে ভালবাসেন না।'

এটাই হলো ইসলামী জিহাদের প্রকৃত তাৎপর্য। এটাকে নিতান্ত অন্যায়ভাবে বিকৃত করে বর্ণনা করা হয়েছে। নিঃসন্দেহে খোদা (শাস্তি প্রদানে) বীর। কিন্তু যখন কোন জাতির দুর্কুর্ম সীমা ছাড়িয়ে যায় তখন তিনি অত্যাচারীকে শাস্তি না দিয়ে ছাড়েন না এবং তিনি তাদের জন্য ধ্বংসের উপকরণ সৃষ্টি করে দেন। আমি জানি না আমাদের বিরুদ্ধবাদীরা কোথা থেকে এবং কার কাছ থেকে শুনেছে, ইসলাম তলোয়ারের জোরে প্রসার লাভ করেছে। খোদা-তো কুরআন শরীফে বলেন, ‘লা ই'করাহা ফিদীনে’। অর্থাৎ, ইসলাম ধর্মে জবরদস্তি নেই। তাহলে কে জবরদস্তির আদেশ দিল এবং জবরদস্তির কোন উপকরণইবা ছিল আর যাদেরকে জোর করে মুসলমান করা হয় তাদের ধর্ম বিশ্বাস ও নিষ্ঠা কি এতখানি হতে পারে যে তারা বিনা বেতনে ও সংখ্যায় দু'তিন শ' হওয়া সত্ত্বেও যুদ্ধে হাজার হাজার মানুষের মুখোমুখি হয়? যখন তাদের সংখ্যা হাজার হাজার হয় তখন তারা কয়েক লক্ষ দুশমনকে পরাজিত করে দেয়। আর তারা ধর্মকে দুশমনের আক্রমণ থেকে রক্ষা করার জন্য ভেড়া ও ছাগলের ন্যায় জীবন দিয়ে দেয় এবং নিজেদের রক্ত দিয়ে ইসলামের সত্যতার উপর মোহর লাগিয়ে দেয়। আর খোদার একত্বের প্রসারের জন্য এমন উদ্বৃদ্ধ হয় যে, সন্ন্যাসীদের ন্যায় কঠোর ক্লেশ বরণ করে আফ্রিকার মরংভূমি পর্যন্ত পৌছে যায় এবং সে দেশে ইসলামকে প্রসারিত করে দেয়। তারা সব ধরণের কষ্ট স্বীকার করে চীন পর্যন্ত পৌছে এবং যোদ্ধারূপে নয় বরং সন্ন্যাসীরূপে এসব দেশে দেশে পৌছে ইসলামের দিকে মানুষকে আহ্বান জানায়। এর ফল হলো, তাদের কল্যাণময় প্রচারে এ দেশে কয়েক কোটি লোক মুসলমান হয়ে যায়। অতঃপর চট পরিধানকারী দরবেশ হিসাবে তারা ভারতবর্ষে আসে ও আর্য্যাবর্তের অনেক অংশে ইসলাম দিয়ে মানুষকে ধন্য করে দেয় এবং ইউরোপের সীমা পর্যন্ত ‘লা ইলাহা ইল্লাহু’-এর আওয়াজ পৌছিয়ে দেয়। তোমরা ধর্মতঃ বল, এ কাজ কি ঐ সকল লোকের যাদেরকে জোর করে মুসলমান বানানো হয় এবং হৃদয়ে তারা অস্বীকারকারী ও মুখে মুসলমান? না, বরং এটা সেই সকল লোকের কাজ যাদের হৃদয় ঈমানের জ্যোতিতে পূর্ণ ও যাদের হৃদয়ে খোদা ছাড়া আর কিছুই থাকে না।

আবার আমি এ দিকে ফিরে আসছি, ইসলামের শিক্ষা কী? প্রকাশ থাকে, ইসলামের মহান উদ্দেশ্য খোদার একত্ব ও প্রতাপ পৃথিবীতে প্রতিষ্ঠা করা,

শিরকের মূল উপড়ে ফেলা এবং বিভিন্ন জাতিকে এক কলেমার উপর প্রতিষ্ঠিত করে তাদেরকে এক জাতিতে পরিণত করা। পূর্বে যে সকল ধর্ম পৃথিবীতে গত হয়েছে এবং যত নবী-রসূল এসেছিলেন তাঁদের দৃষ্টি কেবল তাঁদের জাতি ও দেশ পর্যন্তই সীমাবদ্ধ ছিল। যদি তাঁরা কিছু নীতি-আদর্শ শিখিয়েও থাকেন তবে তা দ্বারা কেবল তাদের জাতির কল্যাণ সাধন করা ছাড়া সেগুলোর অন্য কোন উদ্দেশ্য ছিল না। বস্তুতঃ হ্যরত মসীহ (আ.) সুস্পষ্টভাবে বলে দিয়েছেন, ‘আমার শিক্ষা শুধু বনী ইসরাইলীদের মাঝে সীমাবদ্ধ।’ যখন একজন স্ত্রীলোক, যে ইসরাইল বংশীয় ছিল না, একান্ত বিনয়ের সাথে তাঁর কাছে উপদেশ চেয়েছিল তখন তিনি তাকে ফিরিয়ে দিয়েছিলেন। অতঃপর ঐ নিরীহ মহিলা নিজেকে কুকুরীর সাথে তুলনা করে উপদেশ প্রার্থনা করলো। তখনো তাকে সেই উভয় দেয়া হল, ‘আমাকে কেবল ইসরাইলের হারানো মেয়দের জন্য পাঠানো হয়েছে।’ অবশেষে সেই মহিলা চুপ হয়ে গেল। কিন্তু আমাদের নবী (সা.) কোথাও বলেন নি, আমি কেবল আরবদের জন্য প্রেরিত হয়েছি। বরং কুরআন শরীফে এ কথা বলা হয়েছে, ‘কুল ইয়া আয়ুহান্নাসু ইন্নী রসূলুল্লাহি ইলায়কুম জামিয়া।’ অর্থাৎ ‘লোকদেরকে বলে দাও, আমি সমগ্র পৃথিবীর জন্য প্রেরিত হয়েছি।’ কিন্তু স্মরণ রেখো হ্যরত ঈসা (আ.)-এর সেই স্ত্রীলোকটিকে পরিষ্কারভাবে ফিরিয়ে দেয়া এমন কাজ ছিল না যাতে হ্যরত ঈসা (আ.)-এর কোন পাপ ছিল। কারণ সর্ব সাধারণকে ধর্ম শিখাবার সময় তখনো আসে নি। আর হ্যরত ঈসা (আ.)-এর প্রতি খোদা তাঁলার পক্ষ থেকে এ আদেশই ছিল ‘তোমাকে শুধু বনী ইসরাইলের জন্য পাঠানো হয়েছে। অন্যদের প্রতি তোমার কোন কর্তব্য নেই।’ অতএব এটাই সত্য যা আমি এইমাত্র বর্ণনা করলাম যে, হ্যরত ঈসা (আ.)-এর নৈতিক শিক্ষা কেবল ইহুদীদের মাঝেই সীমাবদ্ধ ছিল। ব্যাপারটি হলো, তওরাতে এ আদেশ ছিল, দাঁতের বদলে দাঁত, চোখের বদলে চোখ, নাকের বদলে নাক।’ আর এ শিক্ষার উদ্দেশ্য কেবল এটাই ছিল যেন ইহুদীদের মধ্যে ন্যায়বিচার প্রতিষ্ঠা করা যায় এবং অত্যাচার ও সীমালংঘন থেকে তাদেরকে বিরত রাখা যায়। কারণ চারশ’ বছর দাসত্বে থাকার ফলে তাদের মাঝে নানা ধরনের জুলুম ও হীনতার স্বভাব জন্ম নিয়েছিল। যেহেতু প্রতিহিংসাপ্রায়ণতা ও প্রতিশোধ গ্রহণের ক্ষেত্রে তাদের স্বভাবে কঠোরতার উভ্রে হয়েছিল তাই খোদার প্রজ্ঞার তাকিদ এটাই ছিল যে, তাদের স্বভাবের এ কঠোরতার দূর করা জন্য অন্য

এক কঠোর নৈতিক শিক্ষার প্রয়োজন। অতএব সেই নৈতিক শিক্ষাই হচ্ছে ইংরেজি। এটা কেবল ইহুদীদের জন্যই ছিল, সারা পৃথিবীর জন্য নয়। কেননা অন্যান্য জাতির সাথে হ্যারত টসা (আ.)-এর কোন সম্পর্ক ছিল না।

কিন্তু বাস্তব সত্য এটাই, হ্যারত টসা (আ.) যে শিক্ষা দিয়েছেন এর অঙ্গটি কেবল এটাই নয় যে, এ শিক্ষা সাধারণ সহানুভূতির উপর প্রতিষ্ঠিত নয় বরং এ শিক্ষার আরো একটি অঙ্গটি হলো তওরাত যেভাবে কঠোরতা ও প্রতিশোধের শিক্ষায় বাড়াবাড়ির দিকে বেশি জোর দিয়েছে, সেখানে ইংরেজিও ক্ষমা আর বিনয়ের শিক্ষায় বাড়াবাড়ির দিকে ঝুঁকে পড়েছে। এ দুটো গুরুত্বই মানবতা-বৃক্ষের সব শাখার প্রতি লক্ষ্য রাখে নি। বরং এ বৃক্ষের একটি শাখা তওরাত পেশ করেছে এবং অন্য শাখা ইংরেজি দেখিয়েছে। দু'টো শিক্ষাই ভারসাম্য হারিয়ে ফেলেছে। কেননা সব সময় ও সকল অবস্থায় যেমন প্রতিশোধ গ্রহণ করা ও শাস্তি দেয়া যুক্তিসংগত নয় তেমনিই সকল সময় ও সকল অবস্থায় ক্ষমা ও বিনয় দেখানো মানুষের নৈতিক চরিত্র গঠনের ক্ষেত্রে একেবারে প্রতিকূল। এ জন্য কুরআন শরীফ এ দু'টো শিক্ষাকে নাকচ করে দিয়ে বলেছে, ‘জাযাউ সাইয়িয়াতুম সাইয়িয়াতুম্ মিসলুহা ফামান আফা ওয়া আসলাহা ফা আজ রঞ্জ আলাল্লাহ’ (সূরা আশ্ শূরা: ৪১)। অর্থাৎ অন্যায়ের প্রতিশোধ ততটুকু হবে যতটুকু অন্যায় করা হয়েছে। এটা তওরাতেরও শিক্ষা। কিন্তু যে ব্যক্তি ক্ষমা করবে (যেমন ইংরেজের শিক্ষা), তার ক্ষমা সে অবস্থায় শুভ ও সঙ্গত হবে যখন এর ফল শুভ হয় এবং যাকে ক্ষমা করা হয় সেই ক্ষমায় যেন তার সংশোধনের উদ্দেশ্য নিহিত থাকে। অন্যথায় আইন তা-ই, যা তওরাতে বর্ণিত রয়েছে।

সমাপ্ত

নিম্নে এই সকল নোট উদ্ভৃত করা হচ্ছে, যা হয়রত আকদাস (আ.)  
এ প্রবন্ধ (অর্থাৎ পয়গামে সুলেহ- অনুবাদক) সম্পর্কে লিখেছিলেন।  
তাঁর পাঞ্জলিপি থেকে পাওয়া গেছে।

কুরআন শরীফের যে সকল আয়াত ইনশাআল্লাহ্ এ প্রবন্ধে লেখা হবে:

لَا إِكْرَاهَ فِي الدِّينِ قَدْ تَبَيَّنَ الرُّشْدُ مِنَ الْغَيْرِ

(অর্থ: ধর্মের ব্যাপারে কোন বল প্রয়োগ নেই। (কারণ) সৎপথ ও ভাস্তির মধ্যে  
পার্থক্য সুস্পষ্ট হয়ে গেছে-অনুবাদক)। (সূরা আল বাকারা: ২৫৭)

إِنْ تَبْدُوا الصَّدَقَاتِ فَقِيمَاهُنَّ هُنَّ وَإِنْ تَخْمُوْهَا وَتَوْتُوهَا الْفَقَرَاءُ فَهُوَ حَيْرٌ  
لَّكُمْ وَيَكْفِرُ عَنْكُمْ مِّنْ سَيِّاتِكُمْ

(অর্থ: যদি তোমরা সদকা প্রকাশ কর তবে তা ভাল, যদি তোমরা সদকা  
গোপন কর, তবে তা খুবই ভাল। এমন সদকা তোমাদের অনিষ্টসমূহ দূর করে  
দিবে- অনুবাদক)। (সূরা আল বাকারা: ২৭২)

الَّذِينَ يُفْقِدُونَ أَمْوَالَهُمْ بِأَلَيْلٍ وَالَّهَارِ سِرًّا وَ عَلَانِيَةً فَلَهُمْ أَجْرُهُمْ عِنْدَ  
رَبِّهِمْ هُنَّ وَلَا خَوْفٌ عَلَيْهِمْ وَلَا هُمْ يَحْزَنُونَ

(অর্থ: যারা নিজেদের ধনসম্পদ রাতে ও দিনে গোপনে ও প্রকাশ্যে খরচ করে,  
তাদের জন্য তাদের প্রভু-প্রতিপালকের নিকট পুরুষার সংরক্ষিত রয়েছে এবং  
তাদের কোন ভয় নেই ও তারা মর্মাহত হবে না- অনুবাদক)। (সূরা আল  
বাকারা: ২৭৫)

وَإِذَا سَأَلَكَ عِبَادِي عَتِّيْ فَإِنِّيْ قَرِيبٌ أُجِيبُ دَعْوَةَ الدَّاعِ إِذَا دَعَانِ  
فَلَيْسَتِّجِيْهُوا لِيْ وَلَيْوَمَئِيْ لَعَلَّهُمْ يَرْشَدُونَ

(অর্থ: আর যখন আমার বান্দারা আমার সম্বন্ধে তোমাকে জিজেস করে, তখন  
(বল), আমি নিকটে আছি। আমি প্রার্থনাকারীর প্রার্থনার উত্তর দেই যখন সে  
আমার নিকট প্রার্থনা করে। সুতরাং তারাও যেনে আমার ডাকে সাড়া দেয় এবং  
আমার প্রতি ঈমান আনে যাতে তারা সঠিক পথ পায়- অনুবাদক)। (সূরা আল  
বাকারা: ১৮৭)

যেন তাদের মঙ্গল হয়। আমার আদেশসমূহ মেনে চলা ও আমার প্রতি ঈমান আনা তাদের উচিত, যাতে তাদের মঙ্গল হয়।

**فِإِذَا قَضَيْتُم مَّنَاسِكُكُمْ فَأَذْكُرُوا اللَّهَ كَذْكُرُكُمْ أَبْاءَكُمْ أَوْ أَشَدَّ ذِكْرًا**

(অর্থ: তোমরা ভালবাসাপূর্ণ হৃদয়ে খোদাকে স্মরণ কর, যেভাবে তোমরা তোমাদের বাপ-দাদাকে স্মরণ কর)। (সূরা আল-বাকারা: ২০১)

**وَمِنَ النَّاسِ مَنْ يَتَرَى نَفْسَهُ أَبْعَادَ مَرَصَاتِ اللَّهِ وَاللَّهُ رَءُوفٌ بِالْبَيَادِ**

(অর্থ: কেউ কেউ এমন আছে যারা নিজেদেরকে খোদার পথে বিক্রি করে দেয়, যাতে কোনভাবে তিনি সম্প্রস্ত হন)। (সূরা আল-বাকারা: ২০৮)

**يَا أَيُّهَا الَّذِينَ آمَنُوا ادْخُلُوا فِي السَّلَامِ كَافَةً وَلَا تَبْيَغُوا حَطَوْتِ الشَّيْطَنِ  
إِنَّهُ لَكُمْ عَذَّبٌ مُّبِينٌ**

(অর্থ: হে ঈমানদারেরা! খোদার পথে নিজেদের ঘাড় পেতে দাও এবং শয়তানের পথ অবলম্বন করো না। কেননা শয়তান তোমাদের শক্ত। এখানে শয়তান বলতে ঐ সকল লোককেই বুবায় যারা মন্দ কাজের শিক্ষা দেয়)। (সূরা আল-বাকারা: ২০৯)

**وَلَا تَجْعَلُوا اللَّهَ عُرْضَةً لِّيَمَانِكُمْ**

(অর্থ: তোমরা তোমাদের শপথের জন্য আল্লাহকে লক্ষ্যস্থল বানিও না-অনুবাদক)। (সূরা আল-বাকারা: ২২৫)

**يَا أَيُّهَا الَّذِينَ آمَنُوا لَا تُطْلُو أَصَدَقَتُكُمْ بِالْمُنْ وَالْأَذْى لَا كَانَ ذِي يُقْرَبُ مَالَهُ رِئَاءَ  
النَّاسِ وَلَا يُؤْمِنُ بِاللَّهِ وَالْيَوْمِ الْآخِرِ فَمَثَلُهُ كَمَثَلَ صَفَوَانَ عَلَيْهِ تُرَابٌ  
فَأَصَابَهُ وَأَبْلَى فَتَرَكَهُ صَلْدًا**

(অর্থ: হে যারা ঈমান এনেছ! তোমরা দানের খেঁটা দিয়ে এবং কষ্ট দিয়ে নিজেদের দানকে ঐ ব্যক্তির ন্যায় ব্যর্থ করো না, যে নিজের ধনসম্পদ লোক দেখানোর জন্য ব্যয় করে এবং সে আল্লাহ ও শেষ দিবসের প্রতি ঈমান রাখে না। তার দ্রষ্টব্য ঐ মসৃণ শক্ত পাথরের অবস্থার ন্যায় যার উপর অল্প মাটি রয়েছে, অতঃপর সেটার উপর প্রবল বৃষ্টিপাত হয় এবং সেটাকে পরিষ্কার শক্ত পাথররূপেই রেখে যায়- অনুবাদক)। (সূরা আল-বাকারা: ২৬৫)

কুরআন শরীফে এ বিশেষ আদেশ রয়েছে, এর নৈতিক শিক্ষা সারা জগতের জন্য। কিন্তু ইঞ্জিলের নৈতিক শিক্ষা কেবল ইহুদীদের জন্য।

নোট: কুরআন মজীদের এ সকল রেফারেন্স সম্ভবতঃ হ্যুর (আ.) যখন পয়গামে সুলেহ লিখাছিলেন তখন তাঁর নিকট ছিল। (কামাল উদ্দিন)।

কুরআন শরীফ অন্যান্য ধর্মের লোকদের সৎ কাজেরও যে প্রশংসা করে সে সম্পর্কে:

لَيْسُوا سَوَاءٌ مِّنْ أَهْلِ الْكِتَبِ أَمْ مِنْ قَائِمَةٍ يَتَّسِعُونَ إِيتَ اللَّهُ أَنَّاءَ الْيَلِ وَهُمْ  
يَسْجُدُونَ<sup>(১)</sup>  
يُؤْمِنُونَ بِاللَّهِ وَالْيَوْمِ الْآخِرِ وَيَأْمُرُونَ بِالْمَعْرُوفِ وَيَنْهَاونَ عَنِ الْمُنْكَرِ  
وَيَسْأَرُونَ فِي الْخَيْرِٖ وَأُولَئِكَ مِنَ الصَّالِحِينَ<sup>(২)</sup>

(অর্থ: তারা সকলে সমান নয়। আহলে কিতাবের মাঝে এমন একদলও আছে যারা (তাদের অঙ্গীকারে) কাষেম আছে, তারা রাতের বিভিন্ন সময়ে আল্লাহর আয়াতসমূহ পড়ে এবং তারা তাঁর সামনে সেজদা করে। তারা আল্লাহ ও পরকালের প্রতি ঈমান রাখে এবং ন্যায়-সঙ্গত কাজের আদেশ দেয় ও অসঙ্গত কাজ হতে বারণ করে এবং পুণ্য কাজে পরম্পর প্রতিযোগিতা করে। আর এরাই সৎকর্মশীলদের অন্তর্ভুক্ত - অনুবাদক)। (সূরা আলে ইমরান: ১১৪-১১৫)

يَا أَيُّهَا الَّذِينَ آمَنُوا لَا تَنْهَا طَاغِيَةً مِّنْ دُونِكُمْ لَا يَأْلُونَ كُمْ حَبَالًاٰ وَذُو اَمَا  
عِنْتُمْ<sup>(৩)</sup> قَدْ بَدَتِ الْبَعْضَاءِ مِنْ: أَفْوَاهِهِمْ وَمَا تُخْفِي صُدُورُهُمْ أَكْبَرُ  
قَدْ بَيَّنَّا لَكُمُ الْآيَتِ إِنْ كُنْتُمْ تَعْقِلُونَ<sup>(৪)</sup> لَمَانْتُمْ أَوْلَاءَ تَجْبُونَهُمْ وَلَا يَجْبُونَكُمْ  
وَتُؤْمِنُونَ بِالْكِتَبِ كُلِّهِ<sup>(৫)</sup> وَإِذَا قُوْكُمْ قَالُوا أَمَنَّا وَإِذَا خَلُوا عَصُوا عَلَيْكُمْ  
الْأَنَاءِ مِنَ الْغَيْظِ قُلْ مُؤْمِنُو اغْيِظُكُمْ إِنَّ اللَّهَ عَلِيمٌ بِذَاتِ الصُّدُورِ<sup>(৬)</sup>

(অর্থ: হে যারা ঈমান এনেছ! তোমরা নিজেদের লোকদের ছেড়ে অন্যদেরকে অন্তরঙ্গ বন্ধুরূপে গ্রহণ করো না; তারা তোমাদের ক্ষতি সাধনে কোন ক্রটি করবে না। তারা চায় যেন তোমরা কষ্টে পড়ে যাও। তাদের মুখ থেকে বিদ্বেষ প্রকাশিত হয়েছে এবং যা তাদের বক্ষ গোপন রাখছে তা আরো গুরুতর। যদি

তোমরা বিবেক-বুদ্ধি খাটাও (তবে দেখবে) আমরা তোমাদের জন্য আয়াতসমূহ সুস্পষ্টভাবে বর্ণনা করে দিয়েছি। শোন! তোমরা এমন লোক, তোমরা তো তাদেরকে ভালবাস, কিন্তু তারা তোমাদেরকে ভালবাসে না আর তোমরা সকল কিতাবের প্রতি ঈমান রাখ। এবং যখন তারা তোমাদের সাথে মিলিত হয় তখন বলে, ‘আমরা ঈমান আনি,’ আর যখন তারা পৃথক হয় তখন তোমাদের বিরঞ্জে আক্রোশে আঙুলের অগ্রভাগ কামড়াতে থাকে। তুমি বল, ‘তোমরা তোমাদের আক্রোশে মরে যাও, নিশ্চয় তোমাদের বক্ষে যা কিছু নিহিত আছে সে সম্পর্কে আল্লাহ বিশেষভাবে অবহিত- অনুবাদক)। (সূরা আলে ইমরান: ১১৯-১২০)

الْمُرْتَأَىٰ لِلَّذِينَ يُرَجَّعُونَ أَنفُسُهُمْ بِإِنَّ اللَّهَ يُرِكِّبُ كُلَّ مَنْ يَشَاءُ وَلَا يُظْلَمُ مَوْلَانَ فَتَيْلًا

(অর্থ: তুমি কি তাদের প্রতি লক্ষ্য করেছ যারা নিজেদের পবিত্র বলে দাবি করে? বরং আল্লাহ যাকে চান পবিত্র করেন এবং তাদের উপর খেজুর বীজের ঝিল্লী পরিমাণও জুলুম করা হবে না- অনুবাদক)। (সূরা আল নিসা: ৫০)

إِنَّ اللَّهَ يَأْمُرُكُمْ أَنْ تُؤْتُوا الْأَمْمَنْتِ إِلَىٰ أَهْلِهَاٰ وَإِذَا حَكَمْتُمْ بَيْنَ النَّاسِ إِنْ تَحْكُمُوا بِالْعُدْلِ إِنَّ اللَّهَ نِعَمٌ يَعْلَمُكُمْ بِهِ إِنَّ اللَّهَ كَانَ سَمِيعًا بَصِيرًا

(অর্থ: নিশ্চয় আল্লাহ তোমাদেরকে আদেশ দিচ্ছেন, তোমরা আমানতসমূহকে ওগুলোর প্রাপককে ফিরিয়ে দাও আর যখন তোমরা লোকদের মধ্যে বিচার কর তখন ন্যায়পরায়ণতার সাথে বিচার করো। আল্লাহ তোমাদেরকে যার উপদেশ দিচ্ছেন নিশ্চয় তা অতি উত্তম। নিশ্চয় আল্লাহ সর্বশ্রোতা, সর্বদৃষ্টা-অনুবাদক) (সূরা আল নিসা: ৫৯)

ইহুদী ও মুসলমানদের মধ্যে মহানবী (সা.)-এর মীমাংসা ছিল এর সম্পর্কে।

مَنْ يَشْفَعْ شَفَاعَةً حَسَنَةً يَكُنْ لَّهُ نَصِيبٌ مِّنْهَاٰ وَمَنْ يَشْفَعْ شَفَاعَةً سَيِّئَةً يَكُنْ لَّهُ كِفْلٌ مِّنْهَاٰ وَكَانَ اللَّهُ عَلَىٰ كُلِّ شَيْءٍ مُّقْبِلًا

(অর্থ: যে সৎ (কাজের) সুপারিশ করবে, তার জন্য তা থেকে এক অংশ থাকবে আর যে মন্দ (কাজের) সুপারিশ করবে তার জন্য ওটার তুল্য অংশ থাকবে এবং আল্লাহ সকল বিষয়ের উপর পূর্ণ ক্ষমতাবান- অনুবাদক)। (সূরা আল নিসা: ৮৬)

وَمَنْ يَقْتُلْ مُؤْمِنًا مُّتَعَمِّدًا فَجَزَّ أَوْهُ جَهَنَّمُ خِلْدًا فِيهَا وَغَضِبَ اللَّهُ عَلَيْهِ  
وَلَعْنَةُ اللَّهِ عَذَابًا عَظِيمًا ۝

(অর্থ: এবং কেউ ইচ্ছাকৃতভাবে কোন মু'মিনকে হত্যা করলে তার প্রতিফল হবে জাহানাম যাতে যে বসবাস করতে থাকবে। আর আল্লাহ্ তার প্রতি ক্ষেত্র বর্ণণ করবেন এবং তিনি তাকে অভিসম্পাত করবেন ও তার জন্য মহা আয়ার প্রস্তুত করবেন- অনুবাদক)। (সূরা আন্ন নিসা: ৯৪)

وَلَا تَقُولُوا إِلَيْنَا الْفَقِيرُ إِلَيْكُمُ السَّلْمَ لَسْتُمْ مُّؤْمِنًا ۝

(অর্থ: এবং যে তোমাদেরকে সালাম বলে তাকে বলো না তুমি মু'মিন নও- অনুবাদক)। (সূরা আন্ন নিসা: ৯৫)

وَمَنْ أَحْسَنْ دِيَنًا مِّمْنَ أَسْلَمَ وَجْهَهُ إِلَهٌ وَهُوَ مُحْسِنٌ وَاتَّبَعَ مَلَةً إِبْرَاهِيمَ حَنِيفًا ۝

(অর্থ: এবং ধর্মের ক্ষেত্রে ঐ ব্যক্তি অপেক্ষা কে অধিক উত্তম হতে পারে, যে আল্লাহ্ নিকট পূর্ণরূপে আত্মসমর্পণ করে এবং সে সৎকর্মপরায়ণ হয় ও সত্যনিষ্ঠ ইবরাহীমের ধর্মাদর্শের অনুসরণ করে?- অনুবাদক) (সূরা আন্ন নিসা: ১২৬)

وَالصَّلْحُ خَيْرٌ ۝

(অর্থ : আর আগোষ-মীমাংসা উত্তম- অনুবাদক)। (সূরা আন্ন নিসা: ১২৯)

يَا أَيُّهَا الَّذِينَ آمَنُوا كُونُوا أَقْوَمِينَ بِالْقُسْطِ شَهَدَاءَ اللَّهِ وَلَوْ عَلَىٰ أَنفُسِكُمْ أَوْ  
الْوَالِدِينَ وَالْأَقْرَبِينَ ۝

(অর্থ: হে যারা ঈমান এনেছ! তোমরা আল্লাহ্ জন্য সাক্ষী হিসাবে ন্যায়-পরায়ণতার উপর দৃঢ় প্রতিষ্ঠিত হও যদিও (তোমাদের সাক্ষ্য) তোমাদের নিজেদের বা তোমাদের পিতামাতার বা স্বজনদের বিবরণেই যায়- অনুবাদক) (সূরা আন্ন নিসা: ১৩৬)।

يَا أَيُّهَا الَّذِينَ آمَنُوا إِنَّمَا يُنَزَّلُ عَلَى رَسُولِهِ  
وَالْكِتَبِ الَّذِي أُنْزَلَ مِنْ قَبْلٍ وَمَنْ يَكُفِرْ بِاللَّهِ وَمَلِئْكَتِهِ وَكَتْبِهِ  
وَرَسُولِهِ وَالْيَوْمَ الْآخِرِ فَقَدْ ضَلَّ ضَلَالًا بَعِيدًا ۝

(অর্থ: হে যারা ঈমান এনেছ! তোমরা ঈমান আন আল্লাহ্ ও তাঁর রসূলের প্রতি এবং এই কিতাবের প্রতি যা তিনি তাঁর রসূলের প্রতি অবর্তীর্ণ করেছেন এবং

সেই কিতাবের প্রতিও যা তিনি পূর্বে অবতীর্ণ করেছেন আর যে আল্লাহ্ ও তাঁর ফিরিশতাদেরকে, তাঁর কিতাবসমূহকে, তাঁর রসূলদেরকে ও শেষ দিবসকে অস্থীকার করে সে অবশ্যই চরমভাবে পথভ্রষ্ট হলো- অনুবাদক)। (সূরা আন্নিসা: ১৩৭)

**قُولُوا أَمَّنَا بِاللَّهِ وَمَا أُنْزِلَ إِلَيْنَا وَمَا أُنْزِلَ إِلَى إِبْرَاهِيمَ وَإِسْمَاعِيلَ وَإِسْحَاقَ  
وَيَعْقُوبَ وَالْأَسْبَاطِ وَمَا أُوتِيَ مُؤْسِى وَعِيسَى وَمَا أُوتِيَ النَّبِيُّونَ مِنْ رَبِّهِمْ  
لَا نَفِرَّقُ بَيْنَ أَحَدٍ مِّنْهُمْ وَنَحْنُ لَهُمْ مُسْلِمُونَ** ⑩

(অর্থ: তোমরা বল, ‘আমরা ঈমান রাখি আল্লাহ্ প্রতি এবং যা আমাদের প্রতি নায়িল করা হয়েছে এবং যা ইবরাহিম, ঈসমাইল, ইয়াকুব ও (তার) বংশধরদের প্রতি নায়িল করা হয়েছিল এবং যা কিছু মূসা ও ঈসাকে দেয়া হয়েছিল এবং যা কিছু অন্য সকল নবীকে তাদের প্রভু-প্রতিপালকের পক্ষ থেকে দেয়া হয়েছিল তার প্রতিও (ঈমান রাখি)। আমরা তাদের কারো মধ্যে তারতম্য করি না এবং আমরা তাঁরই নিকট আত্মসমর্পণকারী- অনুবাদক)। (সূরা আল-বাকারা: ১৩৭)

**فَإِنْ أَمْتُوا يِمْثِلُ مَا أَمْتُمْ بِهِ فَقَدْ أَهْتَدَوْا وَإِنْ تَوَلُّو فَإِنَّمَا هُمْ فِي شِقَاقٍ  
فَسَيَّئُكُمْ اللَّهُ وَهُوَ السَّمِيعُ الْعَلِيمُ** ⑪

(অর্থ: তোমরা যেভাবে ঈমান এনেছ যদি তারা সেভাবে ঈমান আনে, তবে তারা হেদায়াত পেয়েছে। আর যদি তারা এভাবে ঈমান না আনে তবে তারা এমন জাতি যারা বিরোধিতা ছাড়তে চায় না ও আপোষ-মীমাংসা চায় না।) (সূরা আল-বাকারা: ১৩৮)

**رَسُّلًا مُّبَشِّرِينَ وَمُنذِرِينَ لَئِلَّا يَكُونَ لِلنَّاسِ عَلَى اللَّهِ حُجَّةٌ بَعْدَ الرُّسُلِ  
وَكَانَ اللَّهُ عَزِيزًا حَكِيمًا** ⑫

(অর্থ: রসূলদেরকে সুসংবাদ বহনকারী ও সতর্ককারীরূপে (পাঠিয়েছি) যেন রসূলদের (আসার) পর মানবজাতির জন্য আল্লাহ্ বিরুদ্ধে কোন ওয়র-আপন্তি না থাকে। আর আল্লাহ্ মহা পরাক্রমশালী, পরম প্রজ্ঞাময়-অনুবাদক)। (সূরা আন্নিসা: ১৬৬)

إِنَّ الَّذِينَ يَكُفِّرُونَ بِاللَّهِ وَرَسُولِهِ وَيُرِيدُونَ أَنْ يُعَزِّزُوا بَيْنَ النَّاسِ وَرَسُولَهُ  
وَيَقُولُونَ نُؤْمِنُ بِيَعْصِيٍّ وَنَكْفُرُ بِيَعْصِيٍّ أَنْ يَتَخَذُوا بَيْنَ ذَلِكَ سَيِّلًا  
أُولَئِكَ هُمُ الْكُفَّارُونَ حَقًّا وَأَعْتَدْنَا لِلْكُفَّارِ عَذَابًا مُّهِينًا<sup>④</sup>

(অর্থ: নিশ্চয় যারা আল্লাহ ও তাঁর রসূলদেরকে অস্বীকার করে এবং আল্লাহ ও তাঁর রসূলদের মধ্যে তারতম্য সৃষ্টি করতে চায় এবং বলে, ‘আমরা কারো কারো প্রতি ঈমান আনি ও কাউকে কাউকে অস্বীকার করি,’ এবং তারা চায় যেন এর মাঝামাঝি পথ অবলম্বন করে; এরাই প্রকৃত অস্বীকারকারী এবং আমরা অস্বীকারকারীদের জন্য লাঞ্ছনাদায়ক আয়াব প্রস্তুত করে রেখেছি-অনুবাদক)। (সূরা আন্ন নিসা: ১৫১-১৫২)

وَقَدْ نَزَّلَ عَلَيْكُمْ فِي الْكِتَابِ أَنِ إِذَا سَمِعْتُمْ أَيْتَ اللَّهُ يُكَفِّرُ بَهَا وَيُسْتَهْرِأُ بَهَا  
فَلَا تَقْعُدُوا مَعْهُمْ

(অর্থ: এবং তিনি তোমাদের জন্য অবশ্যই এ কিতাব নাযিল করেছেন, যখন তোমরা শুন আল্লাহর আয়াতসমূহ অস্বীকার করা হচ্ছে ও সেগুলোর প্রতি বিদ্রূপ করা হচ্ছে তখন তাদের সাথে বসো না- অনুবাদক)। (সূরা আন্ন নিসা: ১৪১)

مَا يَفْعَلُ اللَّهُ بِعَذَابِكُمْ إِنْ شَكْرُثُ وَأَمْتُمْ وَكَانَ اللَّهُ شَاكِرًا عَلَيْمًا<sup>⑤</sup>

(অর্থ: কেনইবা আল্লাহ তোমাদেরকে আয়াব দিবেন, যদি তোমরা কৃতজ্ঞতা প্রকাশ কর এবং ঈমান আন? নিশ্চয় আল্লাহ অতি গুণ্ঠাহী, সর্বজ্ঞ- অনুবাদক) (সূরা আন্ন নিসা: ১৪৮)

إِنَّمَا الْمُسِيْحُ عِيسَى بْنُ مَرْيَمَ رَسُولُ اللَّهِ وَكَلِمَتُهُ أَقْسَهَا إِلَى مَرْيَمَ وَرُوحُهُ  
فَامْنُوا بِاللَّهِ وَرَسُولِهِ وَلَا تَقُولُوا أُنْتُمْ لَهُ بِحِيرَةٍ إِنْ هُوَ بِحِلٍّ لَّكُمْ

[অর্থ: নিশ্চয় মরিয়মের পুত্র ঈসা মসীহ আল্লাহর এক রসূল মাত্র তাঁর বাণী (এর প্রতিশ্রূতি পূর্ণকারী) ছিল যা তিনি মরিয়মের প্রতি নাযিল করেছিলেন এবং তাঁর পক্ষ থেকে একটি ঝুঁত (রহমত) ছিল; সুতরাং তোমরা আল্লাহ ও তাঁর রসূলের প্রতি ঈমান আন এবং বলো না, ‘(আল্লাহ) তিনি।’ তোমরা এমন কথা থেকে বিরত হও। এটা তোমাদের জন্য উত্তম- অনুবাদক]। (সূরা আন্ন নিসা: ১৭২)

**الْيَوْمَ أَكْمَلْتُ لَكُمْ دِيْنَكُمْ وَأَتْمَمْتُ عَلَيْكُمْ نِعْمَتِي وَرَضِيْتُ لَكُمُ الْإِسْلَامَ دِيْنًا**

(অর্থ: আজ আমি তোমাদের জন্য তোমাদের ধর্মকে পরিপূর্ণ করলাম এবং তোমদের উপর আমার অনুগ্রহকে সম্পূর্ণ করলাম, আর ইসলামকে তোমাদের জন্য মনোনীত করলাম- অনুবাদক)। (সূরা আল্ মায়েদা: ৪)

**وَقَالُوا لَوْلَا أَنْزَلَ عَلَيْهِ مَلَكٌ وَلَوْأَنْزَلْنَا مَلَكًا لَقَضَى الْأَمْرُ  
ثُمَّلَا يَنْظَرُونَ ①**

(অর্থ: হে যারা ঈমান এনেছ! তোমরা আল্লাহর উদ্দেশ্যে সাক্ষী হিসাবে ন্যায়-পরায়ণতার উপর দৃঢ় প্রতিষ্ঠিত হও এবং কোন জাতির শক্রতা যেন তোমাদেরকে আদো এ অপরাধ করতে প্রয়োচিত না করে যে, তোমরা ন্যায় বিচার না কর। তোমরা সুবিচার কর, এটা তাকওয়ার অধিক নিকটবর্তী। আর তোমরা যা করেছ সে সম্বন্ধে আল্লাহ বিশেষভাবে অবহিত- অনুবাদক)। (সূরা আল্ মায়েদা: ৯)

**إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَائِ ذِي الْقُرْبَىٰ**

(অর্থ: আল্লাহ নিশ্চয় সুবিচার ও উপকার করার ও আত্মীয় স্বজনকে (দান করার ন্যায় অন্য লোকদেরকেও) দান করার আদেশ দিচ্ছেন- অনুবাদক)। (সূরা আন্� নাহল: ৯১)

**يَا أَيُّهَا الَّذِينَ آمَنُوا إِنَّمَا الْحَمْرُ وَالْمَيْسِرُ وَالْأَنصَابُ وَالْأَرْأَمُ رِجْسٌ مِنْ  
عَمَلِ الشَّيْطَنِ فَاجْتَنِبُوهُ لَعَلَّكُمْ تُفْلِحُونَ ②**

(অর্থ: হে যারা ঈমান এনেছ! মদ, জুয়া, প্রতিমা ও ভাগ্য নির্ধারণকারী তীর একান্ত অপবিত্র শয়তানী কার্যকলাপের অন্তর্ভুক্ত। সুতরাং তোমরা এগুলোকে বর্জন কর যেন তোমরা সফলকাম হতে পার-অনুবাদক)। (সূরা আল্ মায়েদা: ৯১)

**قُلْ إِنْ كُنْتُمْ تَحْبُّونَ اللَّهَ فَاتَّبِعُونِي يُحِبِّكُمُ اللَّهُ**

(অর্থ: তুমি বল, ‘যদি তোমরা আল্লাহকে ভালবাস তাহলে তোমরা আমার অনুসরণ কর; আল্লাহও তোমাদেরকে ভালবাসবেন’- অনুবাদক)। (সূরা আলে ‘ইমরান: ৩২)

فَلْ إِنَّ صَلَاتِي وَسُكُونِي وَمَحْيَايِ وَمَمَاتِي لِلَّهِ رَبِّ الْعَالَمِينَ ﴿١﴾

(অর্থ: তুমি বল, ‘নিশ্চয় আমার নামায, আমরা কুরবানী, আমার জীবন ও আমার মরণ সবকিছুই আল্লাহর জন্য যিনি বিশ্বজগতের প্রভু-প্রতিপালক-অনুবাদক।)। (সূরা আল আন’আম: ১৬৩)

قَذَافْلَحْ مَنْ رَكِّهَا ﴿٢﴾ وَقَذَخَابْ مَنْ دَشَهَا ﴿٣﴾

(অর্থ: সুতরাং যে একে (অর্থাৎ আত্মাকে) পবিত্র করেছে সে অবশ্যই সফলকাম হয়েছে এবং যে একে (মাটিতে) গেড়ে দিয়েছে সে অকৃতকার্য হয়েছে-অনুবাদক।)। (সূরা আশ শামস: ১০-১১)

وَمَنْ كَانَ فِي هَذِهِ أَعْمَى فَهُوَ فِي الْآخِرَةِ أَعْمَى

(অর্থ: যে ব্যক্তি ইহজগতে অঙ্গ থাকবে, সে পরজগতেও অঙ্গ হবে-অনুবাদক।)। (সূরা বনী ইসরাইল: ৭৩)

وَهُوَ الَّذِي يُرِسِّلُ الرِّيحَ بُشْرًا بَيْنَ يَدَيِ رَحْمَتِهِ ﴿٤﴾ حَتَّىٰ إِذَا آقَلَتْ سَحَابَأً ثُقَالًا  
سُقْنَةً لِيَلِدِ مَيِّتٍ قَاتَنَزْ لَنَا بِهِ الْمَاءَ فَأَخْرَجْنَا بِهِ مِنْ كُلِّ الشَّمَرَتِ ﴿٥﴾ كَذَلِكَ  
نُخْرِجُ الْمُؤْمِنَ لَعَلَّكُمْ تَذَكَّرُونَ ﴿٦﴾  
وَالْبَلَدُ الطَّيِّبُ يَحْرُجُ نَبَاتَهُ بِإِذْنِ رَبِّهِ ﴿٧﴾ وَالَّذِي خَبَثَ لَا يَحْرُجُ إِلَّا  
نَكِيدًا ﴿٨﴾ كَذَلِكَ نُصَرِّفُ الْأَيَتِ لِقُوَّمٍ يَسْكُرُونَ ﴿٩﴾

(অর্থ: এবং তিনি সেই সন্তা যিনি নিজ দয়ার পূর্বে সুসংবাদ দেয়ার জন্য বাতাসকে পাঠান এমনকি তা ভারী মেঘ বহন করে, তখন আমরা তাকে কোন মৃত অঞ্চলের দিকে চালাই; অতঃপর তা থেকে পানি বর্ষণ করি, অতঃপর তা দিয়ে সকল প্রকার ফল-ফলাদি উৎপন্ন করি। এভাবে আমরা মৃতদেরকে বের করি যেন তোমরা উপদেশ গ্রহণ কর। আর যে অঞ্চল উত্তম, তার প্রভু-প্রতিপালকের আদেশে তাতে (প্রচুর) উত্তিদ উৎপন্ন হয় কিন্তু যা নিকৃষ্ট তা থেকে কেবল অকেজো জিনিষ উৎপন্ন হয়। এভাবেই আমরা কৃতজ্ঞ জাতির জন্য নির্দর্শনাবলী সবিস্তারে বর্ণনা করি- অনুবাদক।)। (সূরা আল আ’রাফ: ৫৮-৫৯)

وَمَا أَرْسَلْنَا فِي قُرْيَةٍ مِّنْ نَّبِيٍّ إِلَّا أَهْذَنَا آهْلَهَا بِإِبْسَاءٍ وَالضَّرَاءِ  
لَعَلَّهُمْ يَصْرَعُونَ ⑩

(অর্থ: এবং আমরা কখনো এমন কোন জনপদে, তার অধিবাসীদেরকে তাদের অস্বীকারের দরঢ়ন অভাব-অন্টন ও দুঃখ-কষ্ট দ্বারা পাকড়াও করা ছাড়া কোন নবী পাঠাই নি, যেন তারা বিনয়ে অবনত হয়।) (সূরা আল আ'রাফ: ৯৫।

ثُمَّ بَدَّلْنَا مَكَانَ السَّيِّئَةِ الْحَسَنَةَ حَتَّىٰ عَفَوْا وَقَاتُوا قُدْمَسَ أَبَاءَنَا الضَّرَاءِ  
وَالسَّرَّاءِ فَأَهْذَنَاهُمْ بَعْتَةً وَهُمْ لَا يَشْعُرُونَ ⑪

(অর্থ: অতঃপর আমরা (তাদের) মন্দ অবস্থাকে ভাল অবস্থায় বদলে দিয়েছিলাম যে পর্যন্ত না তারা (ধনে-জনে) বেড়ে গিয়েছিল; তখন তারা বলতে লাগলো, আমাদের বাপ-দাদাদের উপর সুখ ও দুঃখ আসতো (আমাদের জন্য এটা নতুন কিছু নয়)। অতএব অকস্মাত আমরা তাদেরকে এমনভাবে পাকড়াও করলাম যে তারা বুঝতেও পারে নি- অনুবাদক।) (সূরা আ'রাফ: ৯৬।)

وَلَوْ أَنَّ أَهْلَ الْقُرَىٰ أَمْتُوا وَأَتَقْوَى فَتَحَنَّا عَلَيْهِمْ بَرَكَتٍ مِّنَ السَّمَاءِ  
وَالْأَرْضِ وَلِكِنْ كَذَبُوا فَأَهْذَنَاهُمْ بِمَا كَانُوا يَكْسِبُونَ ⑫

(অর্থ: এবং যদি সেই সকল শহরের অধিবাসীরা ঈমান আনতো ও তাক্ষণ্য অবলম্বন করতো তাহলে আমরা নিশ্চয় তাদের জন্য আকাশ ও পৃথিবীর বরকতের দুয়ার খুলে দিতাম কিন্তু তারা (নবীগণকে) মিথ্যাবাদী বলে প্রত্যাখ্যান করলো। সুতরাং তারা যা অর্জন করে আসছিল তার জন্য আমরা তাদেরকে পাকড়াও করলাম- অনুবাদক।) (সূরা আল আ'রাফ: ৯৭।)

أَفَامِنَ أَهْلُ الْقُرَىٰ أَنْ يَأْتِيَهُمْ بِأَسْنَا بَيَّاتًا وَهُمْ نَاءِمُونَ  
أَوْ أَمِنَ أَهْلُ الْقُرَىٰ أَنْ يَأْتِيَهُمْ بِأَسْنَا صُحَىٰ وَهُمْ يَلْعَبُونَ ⑬

(অর্থ: এ সকল শহরের অধিবাসীরা কি এ বিষয়ে নিরাপদ হয়ে গেছে যে, তাদের উপর আমাদের শান্তি রাতেও আসতে পারে যখন তারা ঘুমিয়ে থাকবে? অথবা এ সকল শহরের অধিবাসীরা কি এ বিষয়ে নিরাপদ হয়েছে যে, তাদের উপর আমাদের শান্তি সকাল বেলাও আসতে পারে যখন তারা খেলাধূলায় মন্ত থাকবে?- অনুবাদক।) (সূরা আল আ'রাফ: ৯৮-৯৯।)

**الَّذِينَ يَتَّبِعُونَ الرَّسُولَ الْأَمِيَّ الَّذِيْ يَجِدُونَهُ مَكْتُوبًا عِنْدَهُمْ  
فِي التَّوْرِيْةِ وَالْإِنْجِيلِ ۝ يَا مَرْهُمْ بِاِنْمَرْوَفٍ وَيَنْهِمْ عَنِ الْمُنْكَرِ  
وَيَحْلُّ لَهُمُ الظَّبَابِتِ وَيُحَرِّمُ عَلَيْهِمُ الْغَبَيْبِ وَيَضْعُ عَنْهُمْ إِصْرَهُمْ  
وَالْأَعْلَمُ الَّتِيْ كَانَتْ عَلَيْهِمْ ۝ فَالَّذِينَ أَمْتَأْبِهِ وَعَزَّرُوهُ وَنَصَرُوهُ وَاتَّبَعُوا  
الثُّورَ الَّذِيْ أُنْزِلَ مَعَهُ ۝ اُولَئِكَ هُمُ الْمُفْلِحُونَ ۝**

(অর্থ: এই সকল কাজের আদেশ দেয় যা বিবেক-বুদ্ধির পরিপন্থী নয়। আর এই সকল কাজ নিষেধ করে, যা বিবেক-বুদ্ধি ও নিষেধ করে। এবং পবিত্র বস্তুকে বৈধ করে ও অপবিত্র বস্তুকে অবৈধ সাব্যস্ত করে। আর জাতির ঘাড় থেকে এই বোৰা নামিয়ে দেয় যার নিচে তারা চাপা পড়ে ছিল। এবং ঘাড়ের এই বেড়ি থেকে তাদেরকে মুক্তি দেয় যার দরজন ঘাড় সোজা করা যেতো না। অতএব যারা এর প্রতি ঈমান আনবে এবং নিজেরা অংশ নিয়ে একে শক্তিশালী করবে ও একে সাহায্য করবে আর এ জ্যোতির অনুসরণ করবে যা এর সাথে অবতীর্ণ করা হয়েছে, তারা ইহকাল ও পরকালের দুঃখ-কষ্ট থেকে মুক্তি পাবে)। (সূরা আল-আ'রাফ: ১৫৮)

**قُلْ يَا أَيُّهَا النَّاسُ إِنِّي رَسُولُ اللَّهِ إِلَيْكُمْ جَمِيعًا**

(অর্থ: তুমি বল, হে মানবজাতি! নিশ্চয় আমি তোমাদের সকলের জন্য আল্লাহ'র রসূল-অনুবাদক)। (সূরা আল-আ'রাফ: ১৫৯)

**وَالَّذِينَ يَمْسِكُونَ بِالْكِتَابِ وَأَقَامُوا الصَّلَاةَ ۝ إِنَّا لَا نُنْصِعُ أَجَرَ الْمُصْلِحِينَ ۝**

(অর্থ: এবং যারা কিতাবকে মজবুতভাবে ধরে আছে ও নামায কায়েম করে, আমরা তাদের পুরক্ষার বিনষ্ট করি না)। (সূরা আল-আ'রাফ: ১৭১)

**آتَسْتُ بِرِبِّكُمْ ۝ قَائِمًا بَلِّ شَهِدْنَا ۝**

(অর্থ: আমি কি তোমাদের প্রভু-প্রতিপালক নই? তারা বললো, হ্যাঁ আমরা সাক্ষ্য দিচ্ছি-অনুবাদক) (সূরা আল-আ'রাফ: ১৭৩)

মানবাত্মায যে শক্তিগুলো দেয়া হয়েছে তা রূহের শক্তি, যাতে খোদা তাঁলার অধিকার প্রতিষ্ঠিত হয়। সেগুলো স্বতঃস্ফূর্তভাবে সাক্ষ্য দিচ্ছে তারা খোদার হাতেই সৃষ্টি হয়েছে।

অতএব যদি এ পশ্চ করা হয় আমরা কীভাবে কুরআন শরীফের প্রতি ঈমান আনবো, কেননা দুটি শিক্ষার মাঝে বিরোধ রয়েছে? এর উভর হলো, কোন বিরোধ নেই। হাজারোভাবে বেদের শ্লোকসমূহের ব্যাখ্যা করা হয়েছে। এগুলোর মাঝে একটি এই ব্যাখ্যাও রয়েছে যা কুরআন শরীফ অনুযায়ী করা হয়েছে।

يَا يَهُا الَّذِينَ آمَنُوا إِنْ تَتَّقُوا اللَّهُ يَجْعَلُ لَكُمْ فُرْقَانًا وَيُكَفِّرُ عَنْكُمْ سَيِّئَاتُكُمْ  
وَيُغْفِرُ لَكُمْ وَاللَّهُ ذُو الْفُضْلِ الْعَظِيمِ ۝

(অর্থাৎ, “হে যারা ঈমান এনেছ! যদি তোমরা তাকওয়া (আল্লাহর প্রতি ভয়, ভক্তি, ভালবাসা-অনুবাদক) অবলম্বন কর তবে তোমাদের মধ্যে ও অন্যদের মধ্যে খোদা এক পার্থক্য সৃষ্টি করে দিবেন, আর তোমাদেরকে পবিত্র করবেন ও তোমাদের পাপ ক্ষমা করে দিবেন। এবং তোমাদের খোদা মহা অনুগ্রহের অধিকারী।” (সূরা আল্ আনফাল: ৩০)

إِنْ أُولَيَاؤْهُ إِلَّا الْمُسْقُونُ

[অর্থ: কেবল মুক্তাকীরাই এর (প্রকৃত) তত্ত্বাধায়ক- অনুবাদক]। (সূরা আল্ আনফাল: ৩৫)

যদি আপোষ-মীমাংসার সময় হাদয়ে ধোকাবাজি থাকে তবে এই ধোকাবাজির প্রতিকারের জন্য খোদাই তোমার জন্য যথেষ্ট।

أَلَا تَقَاتِلُونَ قَوْمًا نَّكْثُوا أَيْمَانَهُمْ وَهُمْ بِإِخْرَاجِ الرَّسُولِ وَهُمْ  
بَدَءُوا كُمْ أَوَّلَ مَرَّةٍ أَتَحْسُونَهُمْ فَإِنَّ اللَّهَ أَحَقُّ أَنْ تَحْشُوَهُ إِنْ كُنْتُمْ مُؤْمِنِينَ ۝

[অর্থ: তোমরা কি সেই জাতির সাথে যুদ্ধ করবে না যারা তোমাদের শপথ ভঙ্গ করেছে ও রসূলকে নির্বাসিত করার সংকল্প করেছে এবং তারাই তোমাদের বিরুদ্ধে (সংঘর্ষের) সূচনা করেছে? তোমরা কি তাদেরকে ভয় কর? যদি তোমরা মু়মিন হও তাহলে (জেনে রাখ) আল্লাহহ অধিক যোগ্য, তোমরা তাঁকে ভয় করো- অনুবাদক]। (সূরা আত্ তওবা: ১৩)

قُلْ إِنْ كَانَ أَبَآءَكُمْ وَآبَنَكُمْ وَآخْوَانَكُمْ وَأَزْوَاجَكُمْ وَعَشِيرَتُكُمْ  
وَأَمْوَالُ أُقْتَرْفُهُوا وَتِجَارَةً تَخْشُونَ كَسَادَهَا وَمَسِكَنُ تَرْضُونَهَا أَحَبَّ  
إِلَيْكُمْ مِنْ اللَّهِ وَرَسُولِهِ وَجَهَادٍ فِي سَبِيلِهِ فَتَرَبَصُوا حَتَّىٰ يَأْتِيَ اللَّهُ بِأَمْرِهِ  
وَاللَّهُ لَا يَهْدِي النَّقْوَمَ الْفَسِيقِينَ ۝

[অর্থ: তুমি বল, তোমাদের পিতা, তোমাদের পুত্র, তোমাদের ভাই, তোমাদের স্ত্রী, তোমাদের আত্মীয়রা এবং যে ধনসম্পদ তোমরা অর্জন করেছ ও ব্যাবসা-বাণিজ্য যার মন্দাকে তোমরা ভয় কর এবং বাগানসমূহ যা তোমরা ভালবাস, (এ সবকিছু) যদি আল্লাহ্ এবং তাঁর রসূল ও তাঁর পথে জিহাদ করা অপেক্ষা তোমাদের নিকট বেশি প্রিয় হয় তাহলে তোমরা অপেক্ষা কর, যে পর্যন্ত না আল্লাহ্ তাঁর মীরাংসা প্রকাশ করেন; আর আল্লাহ্ দুর্কর্মপরায়ণ জাতিকে হেদায়েত দান করেন না-অনুবাদক]। (সূরা আত্তাওবা: ২৪)

وَصَلَّى عَلَيْهِمْ ۖ إِنَّ صَلَوةَكَ سَكُونٌ لَّهُمْ

(অর্থ: এবং তাদের জন্য দোয়া কর; নিশ্চিত তোমার দোয়া তাদের জন্য শাস্তিদায়ক- অনুবাদক)। (সূরা আত্তাওবা: ১০৩)

أَلَّا تَبِعُونَ الْعَبِيدُونَ الْحَمْدُ لِلَّهِ رَبِّ الْعَالَمِينَ  
إِنَّمَا يَعْلَمُ مَا فِي الْأَرْضِ وَالسَّمَاوَاتِ  
أَلَّا تَأْتِيَ النَّاسُ بِمَا كَانُوا  
عَمَلِيْفَ وَالنَّاسُ هُنَّ عَنِ الْمُنْكَرِ وَالْحَفِظُونَ  
لِهُدُودِ اللَّهِ ۝ وَبَشِّرْ  
الْمُؤْمِنِيْنَ<sup>১৩</sup>

(অর্থ: এ সকল লোক সফলকাম যারা সবকিছু ছেড়ে দিয়ে খোদার দিকে ফিরে খোদার উপাসনায় মঞ্চ হয়ে যায়, খোদার প্রশংসায় লেগে থাকে, খোদার পথে আহ্বান জানাতে পৃথিবীতে ঘুরে বেড়ায়, খোদার সামনে ঝুঁকতে থাকে ও সেজদা করে। এরাই মু়মিন যাদেরকে পরিআগণের সুসংবাদ দেয়া হয়েছে)। (সূরা আত্তাওবা: ১১২)

যে ব্যক্তি খোদাকে ভয় করে না সে এক সত্য বিষয়ে এমন এক মোকাবিলার আচরণ করে যেন তা তাকে মৃত্যুর দিকে টেনে নিতে চায় আর সে তার প্রাণ রক্ষা করছে।

**নোট:** ধর্ম কেবল মুখের গল্প-কাহিনী নয়। বরং যেভাবে সোনাকে তার চিহ্নবলী দ্বারা সন্তুষ্ট করা হয় সেভাবে খাঁটি হেদায়েতের অনুসারী তার আলো প্রকাশ করে।

খোদা ঐ ব্যক্তিকে ধৰ্মস করেন, যে যুক্তি-প্রামাণের দ্বারা ধৰ্মস হয়েছে এবং ঐ ব্যক্তিকে জীবিত রাখেন, যে যুক্তি-প্রামাণের দ্বারা জীবিত।

টীকা:

وَإِنْ جَنَاحُوا لِلَّهِ مَا فِي جَنَاحِهِ ۚ وَتَوَكَّلْ عَلَى اللَّهِ ۝

যদি বিরংদবাদীরা শাস্তির দিকে ঝুঁকে তাহলে তুমি ও ঝুঁকে যাও এবং খোদার ওপর ভরসা কর। (সূরা আল্ল আনফাল: ৬২)

وَإِنْ يُرِيدُوا أَنْ يَخْدِمُوكُمْ فَإِنَّ حَسِبَكُمُ اللَّهُ هُوَ أَلَّذِي أَيَّدَكُمْ بِعُصْرٍ وَبِالْمُؤْمِنِينَ<sup>۱</sup>

(অর্থ: আর তারা যদি তোমাকে ধোকা দিতে চায় তাহলে নিশ্চয় আল্লাহ্ তোমার জন্য যথেষ্ট, তিনিই নিজ সাহায্য দ্বারা এবং মুমিনদের দ্বারা তোমাকে শক্তিশালী করবেন- অনুবাদক)। (সূরা আল আনফাল: ৬৩)

খোদা তাঁর প্রাকৃতিক বিধানে বিপদকে পাঁচ ভাগে ভাগ করেছেন, অর্থাৎ বিপদের চিহ্নবলী যা ভয় দেখায়, অতঃপর বিপদের মধ্যে পা রাখা। অতঃপর এমন অবস্থা যখন সৃষ্টি হয় (এটা ঠিকভাবে পড়া যায় নি- কামাল উদ্দিন), অতঃপর বিপদের অন্ধকার যুগ, অতঃপর খোদার দয়ার প্রাতঃকাল। এটা পাঁচটি সময়, যার দৃষ্টিক্ষণ হচ্ছে পাঁচ নামায়।

يَا إِيَّاهَا الَّذِينَ أَمْنُوا لِمَ تَقُولُونَ مَا لَا تَفْعَلُونَ  
كَبْرَ مَقْتَنَاعٍ عِنْدَ اللَّهِ أَوْ تَقُولُونَ مَا لَا تَفْعَلُونَ<sup>১</sup>

(অর্থ: হে যারা ঈমান এনেছ ! তোমরা কেন তা বল যা কর না? আল্লাহ্ দৃষ্টিতে এটা অত্যন্ত ঘৃণিত, তোমরা তা বল যা কর না- অনুবাদক)। (সূরা আস সাফ্ফ: ৩-৮)

وَمَنْ أَظْلَمُ مِمَّنْ أَفْرَى عَلَى اللَّهِ كَذِبًا أَوْ كَذَبَ بِإِيمَانِهِ<sup>۱</sup>

(অর্থ: আর ঐ ব্যক্তি অপেক্ষা বড় যালেম কে, যে আল্লাহ্ প্রতি মিথ্যা আরোপ করে অথবা তাঁর নির্দর্শনাবলীকে মিথ্যা বলে প্রত্যাখ্যান করে?-অনুবাদক)। (সূরা আল আন'আম: ২২)

নিম্নে কতিপয় আপত্তি ও কতিপয় সত্য লিপিবদ্ধ করা হলো যা হ্যুর (আ.)-এর নোট থেকে আমি পেয়েছি। এ নোট তিনি পয়গামে সুলেহ সম্পর্কে লিখেছিলেন। এ সকল আপত্তি খণ্ডন করা এবং কুরআনের শিক্ষার আলোকে সেই সকল সত্যের উপর আলোকপাত করা তাঁর ইচ্ছা ছিল। তেমনি বুদ্ধের কোন কোন বিষয় তিনি একটি পুস্তক থেকে সংগ্রহ করেছিলেন বলে মনে হয়। এ পুস্তকটি তিনি সেই সময় পড়াশুনা করছিলেন এবং এটি সম্পর্কে তিনি কিছু লিখতে চেয়েছিলেন। (কামাল উদ্দিন)

১। যত গ্রেশী গ্রস্ত রয়েছে তাতে এমন কোন নতুন কথা আছে যা পূর্বে জানা ছিল না?

২। নবীগণ বিজ্ঞানের এমন কোন সমস্যার সমাধান করেছেন যা পূর্বে সমাধান করা হয় নি?

৩। নবীগণ আত্মার ধর্ম ও বৈশিষ্ট্য সম্পর্কে কিছুই বলেন নি, না তাঁরা পরকালের জীবনের অবস্থা সম্পর্কে কিছু বলেছেন, না তাঁরা খোদার বিস্তারিত অবস্থা সম্পর্কে বর্ণনা করতে পেরেছেন। কিন্তু নবীগণ বর্ণনা করেছেন, ঘুমের অন্যান্য কারণ রয়েছে। প্রাকৃতিক বিজ্ঞানে ঘুমের স্বাভাবিক কারণ রয়েছে বলে উল্লেখ করা হয়েছে।

৪। (নবীগণ) পূর্বের ভুল-ভাস্তিসমূহ দূর করেন নি, না জটিল সমস্যাসমূহের সমাধান দিয়েছেন বরং আরো জটিলতার সৃষ্টি করেছেন।

৫। বুদ্ধের নৈতিক শিক্ষাই সবচেয়ে গোক্ষম।

৬। মানুষ যে বস্তুকে ভালবাসে তাকে যদি তা থেকে পৃথক করে দেয়া হয় তবে এটাই তার জন্য এক শাস্তি হয়ে যায়।

৭। মানুষ যে বস্তুকে ভালবাসে সে যদি তা পায় তবে তা-ই তার স্বষ্টির কারণ হয়।

**وَحِيلَ بَيْنَهُمْ وَبَيْنَ مَا يَشْتَهُونَ**

(অর্থ: আর তাদের মধ্যে ও তারা যা চাইতো তার মধ্যে বাধা সৃষ্টি করা হবে-অনুবাদক)। (সূরা সাবা: ৫৫)

৮। কামনা-বাসনা বিনাশ করা পরিত্রাণের উপায়।

৯। পৃথিবীতে কখনো সঠিক জ্ঞানের দ্বারা পরিত্রাণ লাভ করা যায়। আর কখনো কখনো সঠিক কাজ-কর্ম দ্বারা পরিত্রাণ লাভ করা যায়। আর কখনো কখনো সঠিক কথা দ্বারা পরিত্রাণ লাভ করা যায় এবং কখনো কখনো সঠিক সঠিক ক্রিয়া দ্বারা পরিত্রাণ লাভ করা যায়। আর কখনো কখনো মানুষের সাথে ভাল আচরণ পরিত্রাণের কারণ হয়ে যায় এবং কখনো কখনো খোদার সাথে সম্পর্ক দৃঢ়-কষ্ট দূর করে দেয়। আর কখনো কখনো একটি বেদনা অন্যান্য বেদনার জন্য প্রায়শিকভাবে হয়ে যায়।

১০। সত্য বল মিথ্যা বলো না। আজে বাজে কথা বলা থেকে বিরত থাক। আর নিজের কাজ বা নিজের কথা দ্বারা কারো ক্ষতি করো না। নিজের

জীবনকে পবিত্র রাখ। পরনিন্দা করো না। এবং কারো উপর অপবাদ লাগিও না। প্রবৃত্তির উভেজনাকে নিজের উপর প্রাধান্য বিস্তার করতে দিও না। হিংসা-বিদ্রো থেকে বিরত থাক। প্রতিহিংসা থেকে নিজের হৃদয় মুক্ত রাখ। নিজের দুশ্মনের সাথেও ঐ আচরণ করো না যা তুমি নিজের জন্য পছন্দ কর না। এমন উপদেশ অন্যকে দিও না, যা তুমি নিজেই অনুসরণ কর না। তত্ত্বজ্ঞানের উন্নতিতে লেগে থাকা। অঙ্গতা থেকে হৃদয়কে মুক্ত কর। কারো বিরুদ্ধে তাড়াহড়া করে আপত্তি উত্থাপন করো না।

ঘৃণা দ্বারা ঘৃণা দূর করা যায় না বরং তা আরো বেড়ে যায়। ভালবাসা ঘৃণাকে দূর করে দেয়।

*لَنْ يَئَالَ اللَّهُ لَحُومُهَا وَلَا دِمَاؤُهَا وَلِكِنْ يَئَالُهُ التَّقْوَىٰ*

অর্থাৎ, হৃদয়ের পবিত্রতা হচ্ছে আসল কুরবানী। মাংস ও রক্ত আসল কুরবানী নয়। যে স্থলে সাধারণ লোকেরা পশু কুরবানী করে সে স্থলে বিশেষ লোকেরা হৃদয়কে জবাই করে। (সূরা আল হাজ্জ: ৩৮)

কিন্তু খোদা এ সকল কুরবানীও বন্ধ করেন নি যার ফলে বুরো যায় এ সকল কুরবানীও মানুষের সাথে সম্পৃক্ত।

খোদা বেহেশতের সৌন্দর্যবলী এ আগিকে বর্ণনা করেছেন, যা আরবের লোকদের নিকট পছন্দের বস্তু ছিল। খোদা তা-ই বর্ণনা করেছেন যাতে তাদের হৃদয় এ দিকে ঝুঁকে যায়। প্রকৃতপক্ষে সেই সকল বস্তু ভিন্ন কিছু, এ সকল বস্তু নয়। কিন্তু এমন বর্ণনা করার প্রয়োজন ছিল যাতে হৃদয়কে আকৃষ্ট করা হয়।

*مَثُلُ الْجَنَّةِ الَّتِيْ وُعِدَ الْمُسْتَقْبُونَ*

(অর্থ: মুওাকীদেরকে যে জাগ্রাতের প্রতিশ্রূতি দেয়া হয়েছে তার দৃষ্টান্ত-অনুবাদক)। (সূরা মুহাম্মদ: ১৬)

যে নিজের প্রবৃত্তির কামনা-বাসনা পূর্ণ করতে লেগে থাকে সে সরাসরি নিজের মূল উপড়ে ফেলে। কিন্তু যে সঠিক পথে চলে তার কেবল দেহই নয় বরং আত্মা ও পরিত্রাণ লাভ করবে।

যে নিজের কামনা-বাসনা পূর্ণ করতে লেগে থাকে সে সরাসরি নিজের মূল উপড়ে ফেলে এবং সে কেবল নিজের দেহকেই বিনাশ করে না বরং

আত্মাকেও বিনাশ করে। কিন্তু যে সঠিক পথে চলে এবং প্রবৃত্তির তাঢ়নার অনুসারী হয় না সে কেবল তার দেহকেই ধৰ্ম থেকে রক্ষা করে না বরং নিজের আত্মাকেও পরিত্রাণ পর্যন্ত পৌছে দেয়।

قَدْ أَفْلَحَ مَنْ رَكِّمَهُ وَقَذَّابٌ مَّنْ دَسَّهَا

(অর্থ: সুতরাং যে একে (অর্থাৎ আত্মাকে) পরিত্র করেছে সে অবশ্যই সফলকাম হয়েছে, আর যে একে (মাটিতে) গেঁড়ে দিয়েছে সে অকৃতকার্য হয়েছে- অনুবাদক)। (সূরা আশু শাম্স: ১০-১১)

এক গ্রামে একশত ঘর ছিল। মাত্র একটি ঘরে প্রদীপ জুলতো। যখন লোকেরা একথা জানতে পারলো তখন তারা নিজ নিজ প্রদীপ নিয়ে আসলো এবং সকলে ঐ প্রদীপ থেকে নিজেদের প্রদীপ জুলে নিল। এভাবে একটি আলো থেকে অনেক আলো হতে পারে। এদিকেই আল্লাহ্ তা'লা ইঙ্গিত করে বলেন-

وَدَاعِيًّا إِلَى اللَّهِ بِإِذْنِهِ وَسِرَاجًا مُّنِيرًا<sup>④</sup>

(অর্থ: এবং আল্লাহর আদেশ অনুযায়ী তাঁর দিকে আহ্বানকারী ও উজ্জ্বল প্রদীপরূপে- অনুবাদক)। (সূরা আল্ আহ্যাব: ৪৭)

মানুষতো তার প্রাণেরও মালিক নয়। তার ধনসম্পদের মালিক হওয়ার প্রশ্নই আসে না। চামচ শরবতের স্বাদ পায় না যদিও তাতে কয়েকবার তা পড়ুক না কেন। তবে হাতের মাধ্যমে শরবতের মিষ্টি স্বাদ মুখ পর্যন্ত পৌছে। কিন্তু হাত মিষ্টির স্বাদ পায় না। এভাবেই যাকে খোদা অনুভূতি শক্তি দেন নি সে মাধ্যম হয়েও কোন উপকার লাভ করে না।

اللَّهُ أَعْلَمُ حَيْثُ يَجْعَلُ رِسَاتَهُ<sup>۵</sup>

(অর্থ: আল্লাহ্ সবচেয়ে বেশি জানেন তাঁর রিসালত কোথায় দিবেন-অনুবাদক)। (সূরা আল্ আন'আম: ১২৫)

صَمْ بِكُمْ عَنِ فَهُمْ لَا يَرْجِعُونَ<sup>۶</sup>

(অর্থ: তারা বধির, মুক ও অন্ধ; সুতরাং তারা ফিরবে না-অনুবাদক)। (সূরা আল্ বাকারা: ১৯)

একটি বড় স্বাদ ছোট স্বাদ থেকে মুক্ত করে দেয়, যেমন আল্লাহ্ তা'লা বলেন,

**أَلَا يَذْكُرِ اللَّهُ تَطْمِينُ الْقُلُوبُ**

(অর্থ: আল্লাহর স্মরণেই হৃদয় প্রশান্তি লাভ করে-অনুবাদক) (সূরা আর রাঁদ: ২৯)।

**وَلَذِكْرُ اللَّهِ أَكْبَرُ**

[অর্থ: আর নিশ্চয় আল্লাহর যিক্র (স্মরণ) হচ্ছে সর্বশ্রেষ্ঠ (পুণ্য)- অনুবাদক] (সূরা আল আনকাবুত: ৪৬)

১। ঈমান হচ্ছে বীজ। ২। পুণ্য কাজ হচ্ছে বৃষ্টি। ৩। সাধ্য-সাধনা হচ্ছে লাঙল যা দৈহিক ও বাহ্যিকভাবে চালানো হয়। নফ্স (অর্থাৎ আত্মা) হচ্ছে লাগামহীন বলদ। তা হচ্ছে ‘নফসে আম্মারা’ (অর্থাৎ অবাধ্য আত্মা)। একে চালানোর জন্য শরীয়ত হচ্ছে লাঠি। আর এর দ্বারা যে শাক-সজি উৎপন্ন হয় তা চিরস্থায়ী জীবন।

সে-ই তার সত্তা থেকে বেরিয়ে যায় যার মধ্যে উত্তম গুণাবলী থাকে না। কেননা মানুষের উত্তম গুণাবলীই তার সত্তা। নিজ হৃদয়ের আবেগকে বুঝাতে পারে এমন লোকের সংখ্যা খুবই কম। সে যে সকল বস্তুতে তার স্বাচ্ছন্দ্য দেখতে পায় সেগুলো প্রকৃতপক্ষে তার স্বাচ্ছন্দ্যের কারণ হয় না।

যে ব্যক্তি অন্যায়ের মোকাবিলায় অন্যায় করে না এবং ক্ষমা করে সে নিঃসন্দেহে প্রশংসার যোগ্য। কিন্তু এর চেয়েও বেশি প্রশংসার যোগ্য সেই ব্যক্তি যে ক্ষমা বা প্রতিশোধের নাগপাশে আবদ্ধ নয় বরং সে খোদার হয়ে সময়েচিত কাজ করে। কেননা খোদাও প্রত্যেকের অবস্থা অনুযায়ী কাজ করেন। যে শাস্তির যোগ্য তিনি তাকে শাস্তি দেন এবং যে ক্ষমার যোগ্য তাকে ক্ষমা করেন।

**وَجَزُؤُ اسْتِئْنَاتِ سَيِّئَةٍ مِّثْلَهَا ۝ فَمَنْ عَفَّ وَأَصْلَحَ فَأَجْرُهُ عَلَى اللَّهِ**

(অর্থ: (স্মরণ রেখ) মন্দের প্রতিফল এর অনুরূপ মন্দ এবং যে ব্যক্তি ক্ষমা করে ও সংশোধন করে তার পুরক্ষার আল্লাহর জিম্মায়-অনুবাদক)। (সূরা আশুরা: ৪১)

পৃথিবীতে দুই শ্রেণির লোক অনেক রয়েছে। একটি হলো তারা, যারা ন্যায়বিচার পছন্দ করে। আর দ্বিতীয়টি হলো তারা, যারা দয়াকে সুদৃষ্টিতে দেখে। আর তৃতীয় শ্রেণিটি হলো তারা, যাদের ওপর প্রকৃত সহানুভূতি

এতখানি প্রাধান্য লাভ করে যে, তারা ন্যায়বিচার ও দয়ার অনুসারী থাকে না বরং তারা প্রকৃত সহানুভূতির দরঘন সময়োচিত কাজ করে, যেভাবে মা তার শিশু সন্তানদের সাথে আচরণ করে থাকে। মা তাকে সুস্থাদু ও পুষ্টিকর খাবারও দিয়ে থাকে আবার সময়োচিত তিতা ঔষধও দিয়ে থাকে। আর উভয় অবস্থাতেই তার (এখানেও লেখা ছুটে গেছে-কামাল উদ্দিন)।

আমার বর্ণনায় এমন কোন কথা থাকবে না যা ইংরেজ সরকারের বিরুদ্ধে যাবে। আমরা এ সরকারের প্রতি কৃতজ্ঞ। কেননা আমরা তাদের নিকট থেকে নিরাপত্তা ও শান্তি পেয়েছি। আমি আমার দাবি সম্পর্কে এতখানি বর্ণনা করা জরুরী মনে করি যে, আমি আমার পক্ষ থেকে নই বরং খোদার মনোনয়নে প্রেরিত হয়েছি যেন আমি সব ভুল-ক্রটি দূর করি এবং জটিল সমস্যাসমূহের সমাধান করি ও ইসলামের আলো অন্যান্য জাতিকে দেখাই। স্মরণ থাকে যে, আমাদের বিরুদ্ধবাদীরা যেভাবে ইসলামের এক বিকৃত চেহারা দেখাচ্ছে তা ইসলামের চেহারা নয়। বরং ইসলাম এমন একটি উজ্জল হিরক যার প্রতিটি কোণা দ্যুতি ছড়াচ্ছে। একটি বড় প্রাসাদে অনেক প্রদীপ রয়েছে এবং কোন্‌ প্রদীপ কোন্‌ তাক থেকে দেখা যাবে এবং কোনটি কোন্‌ থেকে দেখা যাবে। এটাই ইসলামের অবস্থা যে, এর স্বর্গীয় জ্যোতিঃ কেবল এক দিক থেকেই দেখা যায় না, বরং প্রত্যেক দিক থেকেই এর অনাদি প্রদীপ দৃশ্যমান। এর শিক্ষা স্বয়ং এক প্রদীপ। আর এর সাথে খোদার সাহায্যের যে নির্দর্শনাবলী রয়েছে সেই প্রত্যেকটি নির্দর্শন হচ্ছে প্রদীপ। আর যে ব্যক্তি এর সত্যতা প্রকাশের জন্য খোদার পক্ষ থেকে আসেন তিনিও একটি প্রদীপ। আমার জীবনের বড় অংশ বিভিন্ন জাতির কিতাব দেখায় কেটে গেছে। কিন্তু সত্য সত্য বলছি, আমি অন্য কোন ধর্মের শিক্ষাকে কুরআন শরীফের বর্ণনার সমকক্ষ দেখতে পাই নি, সেটা এর বিশ্বাসের অংশই হোক নেতৃত্ব অংশই হোক, আধ্যাত্মিক উন্নতির ধাপ হোক, সমাজ ব্যবস্থা হোক বা সেটা এর সৎ কাজের শ্রেণি বিভাগের অংশই হোক। আমি একজন মুসলমান বলে একথা বলছি না বরং সত্যের খাতিরে আমি এ সাক্ষ্য দিতে বাধ্য হচ্ছি। আর আমি এ সাক্ষ্য অসময়ে দিচ্ছি না বরং এমন সময় এ সাক্ষ্য দিচ্ছি যখন পৃথিবীতে ধর্মের কুণ্ঠ শুরু হয়েছে। আমাকে জানানো হয়েছে, এ কুণ্ঠিতে পরিণামে ইসলাম জয়ী হবে। আমি জমীনের কথা বলছি না। কারণ আমি জমীন থেকে নই। বরং আমি তা-ই বলছি যা খোদা আমার মুখ দিয়ে বলাচ্ছেন। পৃথিবীর লোক মনে করে থাকবে সম্ভবতঃ পরিণামে খৃষ্ট ধর্ম পৃথিবীতে ছড়িয়ে পড়বে বা

বৌদ্ধ ধর্ম পৃথিবীতে প্রাথমিক লাভ করবে। তাদের এ ধারণা ভুল। স্মরণ রেখ! পৃথিবীতে কোন বিষয়ই ঘটে না যতক্ষণ পর্যন্ত তা আকাশে স্থির না হয়। অতএব আকাশের খোদা আমাকে বলেছেন, অবশেষে ইসলাম ধর্ম মানুষের হৃদয় জয় করবে। ধর্মের এ যুদ্ধে আমাকে আদেশ দেয়া হয়েছে আমি যেন আদেশ অঙ্গের কারীদেরকে সতর্ক করি। আমার দৃষ্টান্ত সেই ব্যক্তির ন্যায়, যে এক বিপজ্জনক ডাকাত দলের সংবাদ দিচ্ছে, যারা এক গ্রামের অধিবাসীদের উদাসীনতার অবস্থায় তাদের উপর ডাকাতি করতে চায়। অতএব যে ব্যক্তি তার কথা শুনে না তাকে ধ্বংস করা হয়। আমাদের এ যুগে দু'ধরনের ডাকাত রয়েছে। কেউ কেউ আসে বাইরের পথ দিয়ে আর কেউ কেউ ভিতরের পথ দিয়ে। আর তারাই মারা যায় যারা নিজেদের ধনসম্পদ নিরাপদ জায়গায় রাখে না। এ যুগে ঈমানী ধনসম্পদ রক্ষা করার জন্য নিরাপদ জায়গা হলো, ইসলামের সৌন্দর্যাবলী সম্পর্কে জানতে হবে, ইসলামের আধ্যাত্মিক শক্তি সম্পর্কে জানতে হবে, ইসলামের অলৌকিক জীবন্ত নির্দর্শনাবলী সম্পর্কে জানতে হবে এবং ঐ ব্যক্তি সম্পর্কে জানতে হবে যাকে ইসলামী মেষগুলোর জন্য রাখালুরপে নিযুক্ত করা হয়। কেননা পুরাতন নেকড়ে বাঘ এখনো জীবিত আছে। সে মরে নি। যে মেষকে সে এর রাখাল থেকে দূরে দেখতে পায় সে অবশ্যই একে নিয়ে যাবে।

হে খোদার বান্দাগণ! আপনারা জানেন, যখন অনাবৃষ্টি হয় এবং দীর্ঘ সময় পর্যন্ত বৃষ্টি বর্ষিত হয় না তখন এর শেষ পরিণতি এই হয় যে, কুয়াগুলোও শুকিয়ে যেতে আরম্ভ করে। অতএব যেরূপে প্রাকৃতিকভাবে আকাশের পানি পৃথিবীতে আলোড়ন সৃষ্টি করে সেরূপে আধ্যাত্মিকভাবে আকাশের পানি অর্থাৎ খোদার ওহী হীনবুদ্ধিসম্পন্ন লোকদেরকে সজীবতা দান করে। অতএব এ যুগও এ আধ্যাত্মিক পানির মুখাপেক্ষী ছিল।

আমি আমার দাবির ব্যাপারে এতখানি বর্ণনা করা জরুরী মনে করি, আমি ঠিক প্রয়োজনের সময় খোদার পক্ষ থেকে প্রেরিত হয়েছি। যখন এ যুগে অনেকেই ইহুদীর রং ধারণ করেছে এবং তারা কেবল তাকওয়া ও পবিত্রতাকেই ছেড়ে দেয় নি বরং হয়রত ঈসা (আ.)-এর যুগে যে সকল ইহুদী ছিল তাদের ন্যায় সত্ত্বের দুশ্মন হয়ে গেছে, তখন এর মোকাবিলায় খোদা আমার নাম মসীহ রেখে দিলেন। আমি কেবল এ যুগের লোকদেরকে আমার দিকে ডাকছি না বরং স্বয়ং যুগও আমাকে ডেকেছে।



# Paygham-e-Suleh

## (Message of Peace)

(First published in 1908 A.D)

The holy founder of Ahmadiyya Muslim Jammat Hazrat Mirza Ghulam Ahmad, promised Messiah & Mahdi<sup>as</sup> has categorically stated in this book that the main cause of conflict and communal disturbance between the Hindus and Muslims of India (i.e undivided India) is related to religion and not politics. He has therefore given a clarion call to these two major communities of the Sub-continent to make a treaty for the purpose of establishing peace. But such a peace-treaty, he opined, is not possible as long as these two communities attack the recognised prophets and the holy divine bodes of each other.

Hazrat Mirza Ghulam Ahmad<sup>as</sup> says, "we never condemn the prophets of other communities and rather believe that all of them have been sent by Allah. As such, it is our belief that the Vedas have been revealed by the same Allah, Who revealed the Holy Quran. We therefore respect the holy saints of Vedas. Similarly he appealed to the Hindus to accept Hazrat Mohammad<sup>sa</sup> as a true prophet of Islam and advised them not to hate him."

He emphatically states, only under these circumstances the real cause of conflict between the Hindus and Muslims can be eradicated and peace and harmony be established in this Sub-continent. Details of the proposed peace treaty have been elaborately chalked out in this book by the promised Messiah & Mahdi<sup>as</sup>.



**Paygham-e-Suleh** (Message of Peace)  
By Hazrat Mirza Ghulam Ahmad

*The Promised Messiah & Imam Mahdi<sup>as</sup>*

Translated into Bengali by  
Allama Zillur Rahman

1<sup>st</sup> Publish in Bangladesh in 1943  
Current Published in Bangladesh in October 2022

Published by  
Ahmadiyya Muslim Jama'at, Bangladesh  
4, Bakshi Bazar Road, Dhaka-1211

© Islam International Publication Ltd. U.K.

ISBN 978-984-991-032-9



9 7 8 9 8 4 9 9 1 0 3 2 9